

四庫全書

史部

欽定四庫全書

史部

史記卷

五四

詳校官侍讀學士_臣陸伯煥

洗馬_臣王坦修覆勘

覆校官中書_臣陳林

校對官中書_臣孫希旦

謄錄貢生_臣戈廷模

欽定四庫全書

史記卷四

漢

太史

令司馬遷撰

宋中郎外兵曹參軍裴駙集解

唐國子博士弘文館學士司馬貞索隱

唐諸王侍讀率府長史張守節正義

周本紀第四

周后稷名棄

正義因太王所居周原因號曰周地理志云右扶風縣岐山西北中水鄉周太王所

邑括地志云故周城一名美陽城在雍州武功縣西北二十五里即太王城也

其母有邵氏女

曰姜原

集解韓詩章句曰姜姓原字或曰姜原謚號也正義邵天來反亦作釐同說文云邵炎帝之後

姜姓封邵周棄外家

姜原為帝嚳元妃

索隱譙周以為棄帝嚳之胄其父亦不著與此紀異

也姜原出野見巨人跡心忻然說欲踐之踐之而身動

如孕者居期而生子以為不祥棄之隘巷

索隱已下皆詩大雅生民

篇所云誕寘之隘巷牛羊腓字之誕寘之平林會伐平林誕寘之寒水鳥覆翼之是其事也

馬牛過

者皆辟不踐徙置之林中適會山林多人遷之而棄渠

中冰上飛鳥以其翼覆薦之姜原以為神遂收養長之

初欲棄之因名曰棄棄為兒時屹如巨人之志其游戲

好種樹麻菽麻菽美及為成人遂好耕農相地之宜宜

穀者稼穡焉

正義種曰稼飲曰穡

民皆法則之帝堯聞之舉棄為

農師天下得其利有功帝舜曰棄黎民始飢

集解徐廣曰今文尚

書云祖飢故此作始飢祖始也

爾后稷播時百穀封棄於郃

集解徐廣曰今釐鄉

在扶風索隱即詩生民曰有郃家室是也郃即釐古今字異耳正義括地志云故釐城一名武功城在雍州縣

西南二十二里古郃國后稷所封也有后稷及姜原祠毛萇云郃姜嫄國也后稷所生堯見天因郃而生后稷

故因封於郃也

號曰后稷別姓姬氏

集解禮緯曰祖以履大跡而生

后稷之興

在陶唐虞夏之際皆有令德后稷卒

集解駟案山海經海內經曰黑水青

水之間有廣都之野后稷葬焉皇甫謐曰冢去中國三萬里也

子不窋立

索隱帝王世紀云后稷納

姁氏生不窋而譙周按國語云世后稷以服事虞夏言世稷官是失其代數也若不窋親棄之子至文王千餘歲唯十四代亦不合事情正義括地志云不窋故城在慶州弘化縣南三里即不窋在戎狄所居之城也毛詩疏云虞及夏殷共有千二百歲每世在位皆八十年乃可充其數耳命之短長古今一也而使十五世君在位皆八十許載子必將老始生不近人情之甚以理而推實難據信也

不窋末年夏后氏政

衰去稷不務

集解韋昭曰夏太康失國廢稷之官不復務農索隱國語曰棄稷不務此云去稷者

是太史公恐棄是后稷之名故變文云去也言夏政衰不窋去稷官不復務農者也

不窋以失其

官而犇戎狄之間不窋卒子鞠立鞠卒子公劉立公劉

雖在戎狄之間復修后稷之業務耕種行地宜自漆沮

渡渭取材用

正義公劉徙漆縣漆水南渡渭水至南山取材木為用也括地志云豳州新平縣即

漢漆縣也漆水在岐州普
閏縣東岐山漆水東入渭

行者有資居者有畜積民賴

其慶百姓懷之多徙而保歸焉周道之興自此始故詩

人歌樂思其德

索隱即詩大雅篇篤公劉是也

公劉卒子慶節立國於

豳

集解徐廣曰新平漆縣之東北有豳亭索隱豳即邠也古今字異耳正義括地志云豳州新平縣即漢漆

縣詩豳國公劉所邑之地也

慶節卒子皇僕立皇僕卒子差弗立差

弗卒子毀隄立

集解音瑜世本作榆索隱世本作偽榆

毀隄卒子公非立

索隱世本作公非辟方皇甫謚云公非字辟方也

公非卒子高圉立

集解宋忠曰高圉能

率稷者也周人報之索隱世本云高圉侯倅

高圉卒子亞圉立

集解系本云亞圉雲都皇

甫謚云雲都亞圉字索隱漢書古今表曰雲都亞圉弟按如此說則辟方侯倅亦皆二人之名實未能詳

亞

圉卒子公叔祖類立

索隱世本云太公組紺諸盤三代世表稱叔類凡四名皇甫謚云公

祖一名組紺諸盤字叔類號曰太公也

公叔祖類卒子古公亶父立古公

亶父復修后稷公劉之業積德行義國人皆戴之薰育

戎狄攻之欲得財物予之已復攻欲得地與民民皆怒

欲戰古公曰有民立君將以利之今戎狄所為攻戰以
吾地與民民之在我與其在彼何異民欲以我故戰殺
人父子而君之予不忍為乃與私屬遂去豳度漆沮

集解

徐廣曰水在杜陽岐山杜陽縣在扶風

踰梁山

正義括地志云梁山在雍州好畤縣西北十八里鄭

玄云岐山西南然則梁山橫長其東當陽西北臨河其西當岐山東北自豳適周當踰之矣

止於岐

下

集解徐廣曰岐山在扶風美陽西北其南有周原駟案皇甫謐云邑於周地故始改國曰周

豳人

舉國扶老攜弱盡復歸古公於岐下及他旁國聞古公
仁亦多歸之於是古公乃貶戎狄之俗而營築城郭室

屋而邑別居之

集解徐廣曰分別而為邑落也

作五官有司

集解駟案禮記曰天

子之五官曰司徒司馬司空司士司寇典司五衆鄭玄曰此殷時制

民皆歌樂之頌其德

索隱即詩頌云后稷之孫實維太王居岐之陽實始剪商是也

古公有長子曰太伯次

曰虞仲太姜

正義國語注齊許申呂四國皆姜姓也四岳之後太姜之家太姜太王之妃王季之

母生少子季歷季歷娶太任

集解列女傳太姜有呂氏女太任摯任氏中女正義

國語摯疇二國任姓奚仲仲虺之後太任之家太任王季之妃文王母也

皆賢婦人

正義列女傳云

太姜太王娶以為妃生太伯仲雍王季太姜有色而貞順率導諸子至於成童靡有過失太王謀事必於太姜

遷徙必與太任王季娶以為妃太任之性端壹誠莊維德之行及其有身目不視惡色耳不聽淫聲口不出傲

言能以胎教子而生
文王此皆有賢行也

生昌有聖瑞

正義尚書帝命驗云
春秋之月甲子赤爵

街丹書入于鄴止于昌戶其書云敬勝怠者吉怠勝敬
者滅義勝欲者從欲勝義者凶凡事不強則不枉不敬
則不正枉者廢滅敬者萬世以仁得之以仁守之其量
百世以不仁得之以仁守之其量十世以不仁得之不
仁守之不及其
世此蓋聖瑞

古公曰我世富有興者其在昌乎長子

太伯虞仲知古公欲立季歷以傳昌乃二人亡如荆蠻

文身斷髮

正義應劭曰常在水中故斷其髮
文其身以象龍子故不見傷害

以讓季歷

正義太伯奔吳所居城在蘇州北五十里常州無錫縣
界梅里村其城及冢見存而云亡荆蠻者楚滅越其地
屬楚秦滅楚其地屬秦秦諱楚改曰荆故通雅
吳越之地為荆及北人書史加云蠻勢之然也

古公卒

季歷立是為公季公季修古公遺道篤於行義諸侯順

之公季卒

集解皇甫謐曰
非郭縣之南山

子昌立是為西伯西伯曰文

王

正義帝王世紀云文王龍顏虎肩身長十尺有四乳
雖書靈聽云蒼帝姬昌日角為鼻高長八尺二寸聖

智慈
理也

遵后稷公劉之業則古公公季之法篤仁敬老慈

少禮下賢者日中不暇食以待士士以此多歸之伯夷

叔齊在孤竹

集解應劭曰在遼西令支正義括地志云
孤竹故城在平州盧龍縣南十二里殷時

諸侯孤竹國
也姓墨氏也

聞西伯善養老盡往歸之太顛閎夭散宜

生鬻子辛甲大夫之徒皆往歸之

集解駟案劉向別錄
曰鬻子名熊封於楚

辛甲故殷之臣事紂蓋七十五諫而不聽去至周召公與語賢之告文王文王親自迎之以為公卿封長子長子今上黨所治縣是也

崇侯虎譖西伯於殷紂曰西伯積善累德

諸侯皆嚮之將不利於帝帝紂乃囚西伯於羑里閔天

之徒患之乃求有莘氏美女

正義括地志云古契國城在同州河西縣南二十里

世本云莘國姒姓夏禹之後即散宜生等求有莘美女獻紂者

驪戎之文馬

正義括地志云驪戎

故城在雍州新豐縣東南十六里殷周時驪戎國城也按驪馬赤鬣縞身目如黃金文王以獻紂也

有熊

九駟

正義括地志云鄭州新鄭縣本有熊氏之墟也按九駟三十六匹馬也

他奇怪物因

殷嬖臣費仲而獻之紂紂大悅曰此一物足以釋西伯

况其多乎

索隱一物謂嬰氏之美女也

乃赦西伯賜之弓矢斧鉞使

西伯得征伐曰譖西伯者崇侯虎也西伯乃獻洛西之

地以請紂去炮烙之刑紂許之西伯陰行善諸侯皆來

決平於是虞芮之人

集解駟案地理志虞在河東大陽縣芮在馮翊臨晉縣正義括地志

云故虞城在陝州河北縣東北五十里虞山之上古虞國也故芮城縣西二十里古芮國也晉太康地記云虞西百四十里有芮城括地志云又開原在河北縣西六十五里詩云虞芮質厥成毛萇云虞芮之君相與爭田久而不平乃相謂曰西伯仁人盍往質焉乃相與朝周二國君相謂曰我等小人不可履君子之庭乃相讓所爭地以為開原至今尚在注引地理志芮在臨晉者恐疎然開原在河東復與虞芮相接臨晉在河西同州非

臨晉芮城明矣

有獄不能決乃如周入界耕者皆讓畔民俗皆

讓長虞芮之人未見西伯皆慙相謂曰吾所爭周人所

恥何往為祗取辱耳遂還俱讓而去諸侯聞之曰西伯

蓋受命之君明年伐犬戎

集解駟案山海經曰有人人面獸身名曰犬戎正義又云

黃帝生苗龍苗龍生融吾融吾生并明并明生白犬白犬有二是為犬戎說文云赤狄本犬種故字從犬又後

漢書云犬戎獫狁之後也今長沙武陵之郡大半是也又毛詩疏云犬戎昆夷是也

明年伐密須

集解應劭曰密須氏姞姓之國瓚曰安定陰密縣是正義括地志云陰密故城在涇州鶉觚縣西其東接縣城

即古密國杜預云姞姓國在安定陰密縣也

明年敗耆國

集解徐廣曰一作阢正義即黎國也

鄒誕生云本或作黎孔安國云黎在上黨東北括地志云故黎城黎侯國也在潞州黎城縣東北十八里尚書云西伯既

殷之祖伊聞之懼以告帝紂紂曰不有天命

乎是何能為明年伐邾

集解徐廣曰邾城在野王縣西北音于正義括地志云故邾城

在懷州河內縣西北二十七里古邾國城也左傳云邾晉應韓武之穆也

明年伐崇侯虎

正義

皇甫謐曰夏鯀封虞夏商周皆有崇國崇國蓋在豐鎬之間詩云既伐于崇作邑于豐是國之地也

而作

豐邑

集解徐廣曰豐在京兆鄠縣東有靈臺鎬在上林

里正義括地志云周豐宮周文王宮也在雍州鄠縣東三十五里鎬在雍州西南三十二里

自岐下

而徙都豐明年西伯崩

集解徐廣曰文王九十七乃崩正義括地志云周文王墓在雍

州萬年縣西南二十里原上也

太子發立是為武王西伯蓋即位五

十年其囚羑里蓋益易之八卦為六十四卦

正義乾鑿度云垂皇

策者義益卦演德者文成命者孔也易正義云伏羲制卦文王卦辭周公爻辭孔子翼也按太史公言蓋者乃疑辭也文王著演易之功作周紀方贊其美不敢專定重易故稱蓋也

詩人道西伯蓋受

命之年稱王而斷虞芮之訟

正義二國相讓後諸侯歸西伯者四十餘國咸尊西

伯為王蓋此年受命之年稱王也帝王世紀云文王即位四十二年歲在鶉火文王更為受命之元年始稱王矣又毛詩云文王九十七而終終時受命九年則受命之元年年八十九也

後七年而崩

正義

七當為九其說在後

謚為文王

正義謚法經緯天地曰文

改法度制正朔矣追

尊古公為太王公季為王季

正義易緯云文王受命改正朔有王號於天下鄭玄

信而用之言文王稱王已改正朔布王號矣按天無二日土無二王豈殷紂尚存而周稱王哉若文王自稱王改正朔則是功業成矣武王何復得云大勳未集欲卒父業也禮記大傳云牧之野武成大事而退追王大王王父王季歷文王昌據此文乃是追蓋王瑞自太王興王為王何得文王自稱王改正朔也

蓋王瑞自太王興

正義古公在邠被戎狄攻戰奪民太王曰民之在我與彼何異殺人父子而君之予不忍為遂遠去邠止於岐下邠人舉國盡歸古公他國聞古公仁亦多歸之乃貶戎狄之俗為室屋邑落而分別居之季歷又生昌有聖瑞蓋是王瑞自太王時而興起也然自西伯蓋即位五十年以下至太王興在西伯崩後重述其事為經傳不同不可全棄乃略而書之引次

武王即位

正義謚法克定禍亂曰武

春秋元命包云武王駢齒是謂劉強也

太公望為師周公旦為輔召公畢

公之徒左右王師修文王緒業九年武王上祭于畢

集解

馬融曰畢文王墓地名也索隱按文云上祭于畢則畢天星之名畢星主兵故師出而祭畢星也正義上音時掌反尚書武成篇云我文考文王誕膺天命以撫方夏惟九年大統未集太誓篇序云惟十有一年武王伐殷太誓篇云惟十有三年春大會于孟津大戴禮云文王十五而生武王則武王少文王十四歲矣禮記文王世子云文王九十七而終武王九十三而終按文王崩時武王已八十三矣八十四即位至九十三崩武王即位適滿十年言十三年伐紂者續文王受命年欲明其卒父業故也金縢篇云惟克商二年王有疾不愈按文王受命九年而崩十一年武王服闋觀兵孟津十三年克紂十五年有疾周公請命王有瘳後四年而崩則武王

年九十三年矣而太史公云九年王觀兵十一年
伐紂則以為武王即位年數與尚書違甚疎矣
東觀

兵至于盟津

集解徐廣曰諶周云史記武王十一年東觀兵十三年克紂

為文王木

主載以車中軍武王自稱太子發言奉文王以伐不敢

自專乃告司馬司徒司空諸節

集解馬融曰諸受符節有司也

齊粟信

哉予無知以先祖有德臣小子受先功

集解徐廣曰一云予小子受先

功畢立賞罰以定其功遂興師師尚父號曰

集解鄭玄曰號令之

軍法重者

總爾衆庶與爾舟楫後至者斬武王渡河中流白

魚躍入王舟中

集解馬融曰魚者介鱗之物兵象也白者殷家之正色言殷之兵衆與周之象

也索隱此已下至火復王屋流為鳥皆見周書及今文泰誓

武王俯取以祭既渡有

火自上復于下至于王屋流為鳥其色赤其聲魄云

集解

馬融曰王屋王所居屋流行也魄然安定意也鄭玄曰書說云鳥有孝名武王卒父大業故鳥瑞臻赤者周之正色也索隱按今文泰誓流為鵬鵬摯鳥也馬融云明武王能伐紂鄭玄云鳥是孝鳥言武王能終父業亦各隨文而解也

是時諸侯不期而會盟津者八百諸侯諸侯皆

曰紂可伐矣武王曰女未知天命未可也乃還師歸居

二年間紂昏亂暴虐滋甚殺王子比干囚箕子太師疵

少師彊抱其樂器而犇周於是武王徧告諸侯曰殷有

重罪不可以不畢伐

集解徐廣曰一作滅

乃遵文王遂率戎車三

百乘虎賁三千人

集解孔安國曰虎賁勇士稱也若虎賁言其猛也

甲士四萬

五千人以東伐紂十一年十二月戊午師畢渡盟津

正義

畢盡也盡從河南渡河北

諸侯咸會曰孳孳無怠武王乃作太誓告

于衆庶今殷王紂乃用其婦人之言自絕于天毀壞其

三正

集解馬融曰動逆天地人也正義按三正三統也周以建子為天統殷以建丑為地統夏以建寅為

人統也

離遏其王父母弟

集解鄭玄曰王父母兄弟祖父母之族必言母弟舉親者言之也

乃斷棄其先祖之樂乃為淫聲用變亂正聲怡說婦人

集解徐廣曰
怡一作辭

故今予發維共行天罰勉哉夫子

集解鄭
玄曰夫

子丈夫
之稱

不可再不可三二月甲子昧爽武王朝至于商

郊牧野乃誓

集解徐廣曰一作正此建丑之月殷之正月周之二月也孔安國曰昧冥也爽明朝

旦也癸亥夜陳甲子朝誓之正義括地志云衛州城故老云周武王伐紂至于商郊牧野乃築此城鄭元注水經云自朝歌南至清水土地平衍據皋跨澤悉牧野也括地志又云紂都朝歌在衛州東北七十三里朝歌故城是也本妹邑殷王武丁始都之帝王世紀云帝乙復濟河北徙朝歌其子紂仍都焉

武王左杖

黃鉞右秉白旄以麾

集解孔安國曰鉞以黃金飾斧左手杖鉞示無事於誅右手把旄示

有事於
教令

曰遠矣西土之人

集解孔安國
曰勞苦之

武王曰嗟我有

國家君

集解馬融曰冢大也

司徒司馬司空亞旅師氏

集解孔安國曰亞次

旅衆大夫也其位次卿師氏大夫官以兵守門

千夫長百夫長

集解孔安國曰師率卒率

及

庸蜀羌髳微纁彭濮人

集解孔安國曰八國皆蠻夷戎狄羌在西蜀髳微在巴蜀纁彭

在西北庸濮在江漢之南馬融曰武王所率將來伐紂也正義髳音矛括地志云房州竹山縣及金州古盧國

益州及巴利等州皆古蜀國隴右岷洮叢等州以西羌也姚府以南古髳國之地戎府之南古微盧彭三國之

地濮在楚西南有髳州微濮州廬州彭州焉武王率西南夷諸州伐紂也

稱爾戈

集解孔安國曰稱舉

也比爾干立爾矛予其誓王曰古人有言牝雞無晨牝

雞之晨惟家之索

集解孔安國曰索盡也喻婦人知外事雖代雄鳴則家盡也

今殷

王紂維婦人言是用自弃其先祖肆祀不答

集解鄭玄曰肆祭名

答問也

昏弃其家國遺其王父母弟不用乃維四方之多

罪逋逃是崇是長是信是使

集解孔安國曰言紂棄其賢臣而尊長逃亡罪人信

用之也

俾暴虐于百姓以姦軌于商國今予發維共行天

之罰今日之事不過六步七步乃止齊焉夫子勉哉

集解

孔安國曰今日戰事不過六步七步乃止相齊言當旅進一心也

不過於四伐五伐六

伐七伐乃止齊焉勉哉夫子

集解孔安國曰伐謂擊刺也少則四五多則六七以

為例也

尚桓桓

集解鄭玄曰威武貌

如虎如羆如豺如離

集解徐廣曰此訓與

同端于商郊不禦克犇以役西土勉哉夫子集解鄭玄曰禦彊禦謂彊

暴也克殺也不得暴殺紂師之犇走者當以為周之役也爾所不勉其于爾身有戮

集解鄭玄曰所言且也誓已諸侯兵會者車四千乘陳師牧野帝

紂聞武王來亦發兵七十萬人距武王武王使師尚父

與百夫致師集解駟案周禮環人掌致師鄭玄曰致師者致其必戰之志也古者將戰先使勇力

之士犯敵焉春秋傳曰楚許伯御樂伯攝叔為右以致晉師許伯曰吾聞致師者御靡旌摩壘而還樂伯曰吾

聞致師者左射以蔽代御執轡御下捫馬掉鞅而還攝叔曰吾聞致師者右入壘折馘執俘而還皆行其所聞

而以大卒馳帝紂師集解徐廣曰帝一作商正義大卒謂戎車三百五十乘士卒二萬六

千二百五十人
有虎賁三千人

紂師雖衆皆無戰之心心欲武王亟入

紂師皆倒兵以戰以開武王武王馳之紂兵皆崩畔紂

紂走反入登于鹿臺之上蒙衣其珠玉自燔于火而死

正義衣音於既反周書云甲子夕紂取天智玉琰五環
身以自焚注天智玉之善者縫環其身自厚也凡焚四
千玉也庶玉則銷天智
玉不銷紂身不盡也武王持大白旗以麾諸侯諸侯

畢拜武王武王乃揖諸侯

正義武王率諸侯伐天子天
子已死諸侯畢賀故武王揖

諸侯言先拊
循其心也

諸侯畢從武王至商國

正義謂
至朝歌

商國百姓

咸待於郊於是武王使羣臣告語商百姓曰上天降休

商人皆再拜稽首武王亦答拜

索隱武王雖以臣伐君頗有慙德不應答商人

之拜太史公失辭耳尋上文諸侯畢拜賀武王武王尚且報揖無容遂下拜商人

遂入至紂死

所武王自射之三發而後下車以輕劍擊之

正義周書作輕呂擊

之輕呂劍名也

以黃鉞斬紂頭縣太白之旗已而至紂之嬖妾

二女二女皆經自殺武王又射三發擊以劍斬以玄鉞

集解駟案司馬法曰夏執玄鉞宋均曰玄鉞用鐵不磨礪

縣其頭小白之旗武王已

乃出復軍其明日除道修社及商紂宮及期百夫荷罕

旗以先驅

集解駟案蔡邕獨斷曰前驅有九旒雲罕東京賦曰雲罕九旒薛綜曰旂旗名

武王

弟叔振鐸奉陳常車周公旦把大鉞畢公把小鉞以夾

武王散宜生太顛閎夭皆執劔以衛武王既入立于社

南大卒之左右畢從毛叔鄭奉明水

集解駟案周禮曰司烜氏以鑑取明

水於月鄭玄曰鑑鏡屬也取月之水欲得陰陽之絜氣陳明水以為玄酒索隱明明水也舊本皆無水字今本

有水字若惟云奉明其義未見不知是明何物也烜音毀

衛康叔封布茲

集解徐廣曰茲者籍

席之名諸侯病曰負茲索隱茲一作莖公明草也言茲舉成器言莖見潔草也

召公奭贊采

正義

贊佐也采幣也

師尚父牽牲尹佚筮祝曰

正義尹佚讀筮書祝文以祭社也

殷

之末孫季紂

正義周書作末孫受德受德紂字也

殄廢先王明德侮蔑神

祇不祀昏暴商邑百姓其章顯聞于天皇上帝於是武

王再拜稽首曰膺更

監本作受

大命革殷受天明命武王又

再拜稽首乃出封商紂子祿父殷之餘民武王為殷初

定未集乃使其弟管叔鮮蔡叔度相祿父治殷

正義地理志云

河內殷之舊都周既滅殷分其畿內為三國詩邶鄘衛是邶以封紂子武庚鄘管叔尹之衛蔡叔尹之以監殷民謂之三監帝王世紀云自殷都以東為衛管叔監之殷都以西為鄘蔡叔監之殷都以北為邶霍叔監之是為三監按二說各異未詳也

已而命名公釋箕子之囚

集解徐廣曰釋一作原

命畢公釋百姓之囚表商容之閭命南宮括散鹿臺之

財發鉅橋之粟以振貧弱萌隸命南宮括史佚展九鼎

保玉

集解徐廣曰保一作寶

命閔天封比干之墓

正義封謂益其土及畫疆界括

地志云比干墓在衛州汲縣北十里二百五十步

命宗祝享祠于軍乃罷兵西

歸行狩記政事作武成

集解孔安國曰武功成也

封諸侯班賜宗彝

作分殷之器物

集解鄭玄曰宗彝宗廟樽也作分器著王之命及所受物也

武王追

思先聖王乃褒封神農之後於焦

集解駢案地理志弘農陝縣有焦城故焦

國黃帝之後於祝

正義左傳云祝其實夾谷杜預云夾谷即祝其也服虔云東海郡祝其縣

也帝堯之後於薊

集解駢案地理志燕國有薊縣

帝舜之後於陳

正義括地

志云陳州宛丘縣在陳城中即古陳國也帝舜後遏父為周武王陶正武王賴其器用封其子媯滿於陳都宛

丘之

大禹之後於杞

正義括地志云汴州雍丘縣古杞國地理志云杞國理此城周武

側

王封禹後於杞號東樓公二十一代為楚所滅

於是封功臣謀士而師尚父為

首封封尚父於營丘曰齊

集解駟案爾雅曰水出其前而左曰營丘郭璞曰今齊之

營丘淄水過其南乃東正義水經注今臨菑城中有邱云古縣邱之地呂望所封齊之都也營邱在縣北百步

外城中輿地志云秦立為縣城臨淄水故曰臨淄也

封弟周公旦於曲阜曰魯

集解

應劭曰曲阜在魯城中委曲長七八里正義帝王世紀云炎帝自陳營都於魯曲阜黃帝自窮桑登帝位後徙曲阜少昊邑于窮桑以登帝位都曲阜顓頊始都窮桑徙商丘窮桑在魯北或云窮桑即曲阜也又為大庭氏

之故國又是商奄之地皇甫謐云黃帝生於壽丘在魯城東門之北居軒轅之丘於山海經云此地窮桑之際西射之南是也括地志云兗州曲阜縣外城即周公旦子伯禽所築古魯城也

封召公奭於燕

正義封帝堯之後於薊封召公奭於燕觀其文稍似重也水經注云薊城西北隅有薊丘因取名焉括地志云

燕山幽州漁陽縣東南六十里宗國都城記云周武王

封召公奭於燕地在燕山之野故國取名焉按周封以

五等之爵薊燕二國俱武王立因燕山薊丘為名其地足自立國薊微燕盛乃并薊居之薊名遂絕焉今幽州

薊縣古燕國也

封弟叔鮮於管

正義括地志云鄭州管城縣外城古管國城也周武王弟叔所

封弟叔度於蔡

正義括地志云豫州北七十里上蔡縣古蔡國武王封弟叔度於蔡是也縣東

十里有蔡餘各以次受封武王徵九牧之君登幽之阜

岡因名也

以望商邑

正義括地志云幽州三水縣西十里有幽原周先公劉所都之地也幽城在此原上因公

為名按蓋武王登此城望商邑

武王至于周自夜不寐周公旦即王所

曰曷為不寐

正義周鎬京也武王伐紂還至鎬京憂未定天之保安故自夜不得寐也

王曰

告女維天不饗殷自發未生於今六十年麋鹿在牧

集解

徐廣曰此事出周書及隨巢子云夷羊在牧牧郊也夷羊怪物也

蜚鴻滿野

索隱按高誘曰蜚鴻

蟻蟻也言飛蟲蔽田滿野故為災非是鴻鴈也隨巢子作飛拾飛拾蟲也正義蜚音飛古飛字也於今猶常今

於今六十年從帝乙十年至伐紂年也麋鹿在牧喻讒佞小人在朝位也飛鴻滿野喻忠賢君子見放棄也言紂父帝乙立後殷國益衰至伐紂六十年間諂佞小人在于朝位忠賢君子放逐于野故詩云鴻鴈于飛肅肅

其羽之子于征劬勞于野毛萇云之子侯伯卿士也鄭玄云鴻鴈之避陰陽寒暑喻民知去無道就有道也

天不享殷乃今有成

索隱言上天不歆享殷家故見災異我周今乃有成王業者也

維

天建殷其登名民三百六十夫不顯亦不賓滅

集解徐廣曰一

云不顧亦不賓滅一又云不顧亦不恤也索隱言天初建殷國亦登進名賢之人三百六十夫既無非大賢未能興化致理故殷家不大光昭亦不即擯滅以至于今也亦見周書及隨巢子頗復脫錯而劉氏音破六為古其字義亦無所通徐廣云一本作不顧亦不賓蓋是學者以周書及隨巢不同逐音改易耳隨巢子曰天鬼不顧亦不賓滅天

鬼即天神也

以至今我未定天保何暇寐王曰定天

保依天室悉求夫惡貶從殷王受

索隱言今悉求服夫惡人不知天命不順

周家者成敗責之與紂
同罪故曰貶從殷王受

日夜勞來我西土

集解徐廣曰一云肯來索

隱七字連作一句讀

我維顯服及德方明

正義服事也武王答周公云定知天之安我

位得依天之宮室退除殷紂之惡日夜勞民又安定我之西土我維明於事及我之德教施四方明行之乃可至於寢寐也自此已上為至周

自洛汭延于伊汭居易

毋固其有夏之居

集解徐廣曰夏居河南初在陽城後居陽翟索隱言自洛汭及伊汭其地

平易無險固是有夏之舊居正義括地志云自禹至太康與唐虞皆不易都城然則居陽城為禹避商均時之都也帝王世紀云禹封夏伯今河南陽翟是汲冢古文云太康居斟尋羿亦居之桀又居之括地志云故鄆城在洛州鞏縣西

我南望三塗北望嶽鄙顧瞻有河

集解徐廣

曰周書度邑曰武王問太公曰吾將因有夏之居也南望過于三塗北瞻望于有河索隱杜預曰三塗在陸渾南嶽蓋河北太行山鄙都鄙謂近嶽之邑度邑周書篇名度音徒各反正義括地志云太行恒山連延東北接碣石接嶽山言北望太行恒山之邊鄙都邑也又晉州霍山一名太岳在洛西北山在洛東北二說皆通粵

詹維伊母遠天室

正義粵者審慎之辭也言審慎瞻維伊二水之陽無遠離此為天室也

營周居于雒邑而後去

正義括地志云故王城一名河南城本郊鄆周公新築在洛州

河南縣北九里苑內東北隅自平王以下十二王皆都此城至敬王乃遷都成周至赧王又居王城也帝王世

紀云王城西有郊鄆陌左傳云成王定鼎於郊鄆京相璠地名云郊山名鄆邑名

縱馬於華山

之陽

正義華山在華陰縣南八里山南曰陽也

牧牛於桃林之虛

集解孔安國曰桃林

在華山東正義括地志云桃林在陝州桃林縣西山海經云夸父之山其北有林焉名曰桃林廣圓三百里中多馬湖水出焉北流入河也

偃干戈振兵釋旅

集解駟案公羊傳曰入曰振旅

示天

下不復用也武王已克殷後二年問箕子殷所以亡箕

子不忍言殷惡以存亡國宜告

集解徐廣曰存一作前索隱六字連一句讀正

義箕子殷人不忍言殷惡以周國之所宜言告武王為洪範九類武王以類問天道

武王亦醜故

問以天道武王病天下未集羣公懼穆卜

集解孔安國曰穆敬也

周公乃祓齋

正義祓音廢又音拂齋音扎皆反祓謂除不祥求福也

自為質

正義音至

周公祓齋自以贊幣告三王請代武王武王病乃瘳也

欲代武王武王有瘳後而

崩

集解徐廣曰封禪書曰武王克殷二年天下未寧而崩皇甫謐曰武王定位元年歲在乙酉六年庚寅崩

駟案皇覽曰文王武王周公冢皆在京兆長安鎬聚東社中也正義括地志云武王墓在雍州萬年縣西南二

十八里畢原上也

太子誦代立是為成王成王少周初定天下

周公恐諸侯畔周公乃攝行政當國管叔蔡叔羣弟疑

周公與武庚作亂畔周周公奉成王命伐誅武庚管叔

放蔡叔以微子開代殷後國於宋

正義今宋州也

頗收殷餘民

以封武王少弟封為衛康叔

正義尚書洛誥云我卜瀕水東亦惟洛食以居邶鄘

衛之衆又多士篇序云成周既成遷殷頑民按是為東周古洛陽城也括地志云洛陽故城在洛州洛陽縣東

北二十六里周公所築即成周城也輿地志云以周地在王城東故曰東周敬王避子朝亂自洛邑東居此以其迫阨不受王都故壞翟泉而廣之按武王滅殷國為邶鄘衛三監尹之武庚作亂周公滅之徙三監之民於成周頗收其餘衆以封康叔為衛侯即今衛州是也孔安國云以三監之餘民國康叔為衛侯周公懲其數叛故使賢母弟主之也

晉唐叔得嘉穀

集解鄭玄云二苗同為一穗

獻之成王成

王以歸周公于兵所

集解徐廣曰歸一作餽

周公受禾東土魯天

子之命

集解徐廣曰尚書序云旅天子之命

初管蔡畔周周公討之三年

而畢定故初作大誥次作微子之命

集解孔安國曰封命之書

次歸

禾次嘉禾次康誥酒誥梓材

集解孔安國曰告康叔以為政之道亦如梓人之治

材也其事在周公之篇周公行政七年成王長周公反政

成王北面就羣臣之位成王在豐使召公復營洛邑如

武王之意周公復卜申視卒營築居九鼎焉曰此天下

之中四方入貢道里均作召誥洛誥成王既遷殷遺民

周公以王命告作多士無佚召公為保周公為師東伐

淮夷殘奄

集解鄭玄曰奄國在淮夷之北正義奄音於險反括地志云泗水徐城縣北三十里古徐

國即淮夷也兗州曲阜縣奄至即奄國之地也

遷其君薄姑

集解馬融曰齊地正義括地志云薄

姑故城在青州博昌縣東北六十里薄姑氏殷諸侯封於此周滅之也

成王自奄歸在宗

周

正義伐奄歸鎬京也

作多方

集解孔安國曰告衆方天下諸侯

既紂殷命襲淮

夷歸在豐作周官

集解孔安國曰言周家設官分職用人之法古文尚書叙周官書篇名

興正禮樂度制於是改而民和睦頌聲興

集解何休曰頌聲者太平

歌頌之聲帝王之高致也

成王既伐東夷息慎來賀王賜榮伯作賄

息慎之命

集解孔安國曰賄賜也馬融曰榮伯周同姓畿內諸侯為卿大夫也

成王將崩

懼太子釗之不任乃命名公畢公率諸侯以相太子而

立之成王既崩二公率諸侯以太子釗見於先王廟申

告以文王武王之所以為王業之不易務在節儉毋多

欲以篤信臨之作顧命

集解鄭玄曰臨終出命故謂之顧顧將去之意也

太子

釗遂立是為康王康王即位徧告諸侯宣告以文武之

業以申之作康誥故成康之際天下安寧刑錯四十餘

年不用

集解應劭曰錯置也民不犯法無所置刑

康王命作策畢公分居里

成周郊

集解孔安國曰分別民之居里異其善惡也成定東周郊境使有保護也

作畢命康

王卒子昭王瑕立昭王之時王道微缺昭王南巡狩不

返卒於江上其卒不赴告諱之也

正義帝王世紀云昭王德衰南征濟于漢

船人惡之以膠船進王王御船至中流膠液船解王及祭公俱没于水中而崩其右卒游靡長臂且多力游振

得王周人諱之

立昭王子滿是為穆王穆王即位春秋已五十

矣王道衰微穆王閔文武之道缺乃命伯翳

集解孔安國曰伯翳

臣

申誠

集解徐廣曰一作部

太僕

集解應劭曰太僕周穆王所置蓋太御衆僕之長中大夫也

國之政作噩命

正義尚書序云穆王令伯翳為太僕正

復寧穆王將征犬

戎

集解徐廣曰一作吠

祭公謀父諫曰

集解韋昭曰祭畿內之國周公之後為王卿士謀父

字也正義括地志云故蔡城在鄭州管城縣東北十五里鄭大夫祭仲邑也釋例云祭城在河南上有教倉周

公後所封也

不可先王耀德不觀兵夫兵戢而時動動則威

觀則玩玩則無震

集解韋昭曰震懼也

是故周文公之頌曰

集解韋昭

曰文公周
公旦之諡

載戢干戈載橐弓矢

集解唐固
曰橐韜也

我求懿德肆

于時夏允王保之

集解韋昭曰言武王常求美德故陳
其功於是夏而歌之信哉武王能保

此時夏之美樂
章大者曰夏

先王之於民也茂正其德而厚其性阜

其財求而利其器用明利害之鄉

集解韋昭
曰鄉方也

以文修之

使之務利而辟害懷德而畏威故能保世以滋大昔我

先王世后稷

集解韋昭曰謂弃與不窋
也唐固曰父子相繼曰世

以服事虞夏及

夏之衰也

正義謂
太康也

弃稷不務

正義言太康
弃廢稷官

我先王不窋

用失其官而自竄於戎狄之間不敢怠業時序其德遵

修其緒

集解徐廣曰
遵一作選

修其訓典朝夕恪勤守以敦篤奉

以忠信奕世載德不忝前人

正義前人謂后稷也言不
密亦世載德不忝后稷及

文王武王無
不務農事

至于文王武王昭前之光明而加之以慈

和事神保民無不欣喜商王帝辛大惡于民庶民不忍

訐載武王以致戎于商牧

正義紂近郊
地名牧野

是故先王非務

武也勤恤民隱而除其害也夫先王之制邦內甸服邦

外侯服侯衛賓服

集解韋昭曰此總言之
也侯侯圻衛衛圻也

夷蠻要服戎

翟荒服甸服者祭

集解韋昭
曰供日祭

侯服者祀

集解韋昭
曰供月祀

賓服

者享

集解韋昭曰供時享

要服者貢

集解韋昭曰供歲貢

荒服者王

集解韋昭曰王

王事天子也詩曰莫敢不來王

日祭月祀時享歲貢終王先王之順祀

也

集解徐廣曰外傳云先王之訓

有不祭則修意

集解韋昭曰先修志意以自責也畿內近

知王意也

有不祀則修言

集解韋昭曰言號令也

有不享則修文

集解韋昭

曰文典法也

有不貢則修名

集解韋昭曰名謂尊卑職貢之名號也

有不王則

修德

集解韋昭曰遠人不服則修文德以來之

序成而有不王則修刑

集解韋昭

曰序成謂上五者次序已成有不至則有刑罰也

於是有刑不祭伐不祀征不

享讓不貢告不王於是有刑罰之辟有攻伐之兵有征

討之備有威讓之命有文告之辭布令陳辭而有不至則增修於德無勤民於遠是以近無不聽遠無不服今

自大畢伯士之終也

集解徐廣曰犬戎之君

犬戎氏以其職來王

正義賈逵云大畢伯士犬戎氏之二君也白狼白鹿犬戎之職貢也按大畢伯士終後犬戎氏常以其職來王

天子曰

正義祭公申穆王之意故云天子曰

予必以不享征之且觀之兵

無乃廢先王之訓而王幾頓乎

正義幾音祈

吾聞犬戎樹敦

集解徐廣曰樹一作樹駟案韋昭曰樹立也言犬戎立性敦篤也

率舊德而守終純固

其有以禦我矣王遂征之得四白狼四白鹿以歸自是

荒服者不至諸侯有不睦者甫侯言於王作修刑辟

集解

鄭玄曰書說云周穆王以甫侯為相

王曰吁來有國有土告汝祥刑

集解孔安

國曰告汝善用刑之道也

在今爾安百姓何擇非其人

集解王肅曰訓以安百姓

之道當何所選擇乎非當選擇賢人乎

何敬非其刑何居非其宜與

集解孔安

國曰當何所敬非唯五刑乎當何所居非唯及世輕重所宜乎

兩造具備

集解徐廣曰造一作遭

師聽五辭

集解孔安國曰兩謂囚證造至也兩至具備則衆獄官聽其入五刑辭正義漢書刑法志

云五聽一曰辭聽二曰色聽三曰氣聽四曰耳聽五曰目聽周禮注辭不直則言繁目不直則視眇耳不直則對答惑色不直則貌

五辭簡信正於五刑

集解孔安國曰五辭簡核

信有罪驗則正之於五刑矣

五刑不簡正於五罰

集解孔安國曰不簡核謂不應五刑

當正五罰出金贖罪也

五罰不服正於五過

集解孔安國曰不服不應罰也正於五過

從赦免之

五過之疵官獄內獄閱實其罪

集解孔安國曰使與罰名相當索隱

按呂刑云惟反惟內惟貨惟來今此似闕少或從省文

惟鈞其過

集解馬融曰以此五過出入人

罪與犯法者等

五刑之疑有赦五罰之疑有赦其審克之

集解孔安

國曰刑疑赦從罰罰疑赦從免其當清察能得其理也

簡信有衆惟訊有稽

集解孔安

國曰簡核誠信有合衆心惟察其貌有所考合重之至也索隱訊依尚書音貌也

無簡不疑其

嚴天威

集解孔安國曰無簡核誠信不聽治其獄當嚴敬天威無輕用刑

黥辟疑赦其

罰百率

集解徐廣曰率即錢也音刷孔安國曰六兩曰錢錢黃鐵也索隱錢黃鐵錢亦六兩故馬融曰

錢量名與呂刑錢同舊本率亦作選

閱實其罪劓辟疑赦其罰倍灑

集解徐廣

曰一作從五倍曰從孔安國曰倍百為二百錢也索隱灑音戾從音所解反

閱實其罪臙辟

疑赦其罰倍差

集解馬融曰倍二百為四百錢也差者又加四百之三分一凡五百三十三

分一也正義倍中之差二百去三分一合三百三十三錢二兩也宮刑其罰五百臙刑既輕其數豈加故知孔

馬之說非也

閱實其罪宮辟疑赦其罰五百

集解徐廣曰一作六

率閱

實其罪大辟疑赦其罰千率閱實其罪墨罰之屬千劓

罰之屬千臙罰之屬五百宮罰之屬三百大辟之罰其

屬二百五刑之屬三千命曰甫刑穆王立五十五年崩

子共王繫扈立

索隱世本作伊扈

共王游於涇上密康公從

集解

韋昭曰康公密國之君姬姓也正義括地志云陰密故城在涇州鶉觚縣西東接縣城故密國也

有三

女犇之其母曰必致之王

集解駟案列女傳曰康公母姓隗氏

夫獸三為

羣人三為衆女三為粲王田不取羣

正義曹大家云羣衆粲皆多之名也

田獵得三獸王不盡收以其害深也

公行不下衆

正義曹大家云公諸侯也公之所與衆人共議

也王御不參一族

集解韋昭曰御婦官也參三也一族一父子也故取姪娣以備三不參一

族之女也夫粲美之物也衆以美物歸女而何德以堪之王

猶不堪况爾之小醜乎小醜備物終必亡康公不獻一

年共王滅密共王崩子懿王難立

索隱世本作堅

懿王之時王

室遂衰詩人作刺

集解宋忠曰懿王自鎬徙都犬丘一曰廢丘今槐里是也時王室衰始作

也詩

懿王崩共王弟辟方立是為孝王孝王崩諸侯復立

懿王太子燮是為夷王

正義紀年云三年致諸侯翦齊哀公昴帝王世紀云十六年崩

也

夷王崩子厲王胡立厲王即位三十年好利近榮夷

公大夫芮良夫

正義芮伯也

諫厲王曰王室其將卑乎夫榮

公好專利而不知大難夫利百物之所生也天地之所

載也而有專之其害多矣天地百物皆將取焉何可專也所怒甚多而不備大難以是教王王其能久乎夫王人者將導利而布之上下者也使神人百物無不得極

集解韋昭曰極中也

猶日怵惕懼怨之來也故頌曰思文后稷克

配彼天立我烝民莫匪爾極大雅曰陳錫載周

集解唐固曰言

文王布錫施利以載成周道也

是不布利而懼難乎故能載周以至于

今今王學專利其可乎匹夫專利猶謂之盜王而行之其歸鮮矣榮公若用周必敗也厲王不聽卒以榮公為

卿士用事王行暴虐侈傲國人謗王召公諫曰

集解韋昭曰召

康王之後穆公虎為王卿士也

民不堪命矣王怒得衛巫使監謗者

集解

韋昭曰衛國之巫也正義監音口衛反監察也以巫人神靈有謗毀必察也

以告則殺之其

謗鮮矣諸侯不朝三十四年王益嚴國人莫敢言道路

以目

集解韋昭曰以目相盼而已

厲王喜告召公曰吾能弭謗矣乃

不敢言召公曰是鄣之也防民之口甚於防水水壅而

潰傷人必多民亦如之是故為水者決之使導為民者

宣之使言故天子聽政使公卿至於列士獻詩

正義上詩風刺

警獻典

集解韋昭曰典樂典

史獻書

正義史太史也上書諫

師箴

正義音針師樂太師

也上箴

叟賦

集解韋昭曰無眸子曰叟賦公卿列士所獻詩也

矇誦

集解韋昭曰有眸子

而無見曰矇周禮矇主絃歌諷誦箴諫之語也

百工諫庶人傳語

集解韋昭曰庶人卑賤見

時得失不得言傳以語士正義傳音逐緣反庶人微賤見時得失不得上言乃在街巷相傳語

近臣盡

規

集解韋昭曰近臣驕僕之屬

親戚補察

正義言親戚補王過失及察是非也

瞽史教

誨

集解韋昭曰瞽樂太師史太史也

耆艾修之

集解韋昭曰耆艾師傅也修理瞽史之教以聞

王於而後王斟酌焉是以事行而不悖民之有口也猶土

之有山川也財用於是乎出猶其有原隰衍沃也

集解唐固

曰下平曰衍
有溉曰沃

衣食於是乎生口之宣言也善敗於是乎

興行善而備敗所以產財用衣食者也夫民慮之於心而宣之於口成而行之若壅其口其與能幾何王不聽

於是國莫敢出言三年乃相與畔襲厲王厲王出奔於

彘

集解韋昭曰彘晉地漢為縣屬河東今曰永安正義括地志云晉州霍邑縣本漢彘縣後改彘曰永安從

鄙犇
晉也

厲王太子靜匿召公之家國人聞之乃圍之召公

曰昔吾驟諫王王不從以及此難也今殺王太子王其

以我為讎而懟怒乎夫事君者險而不讎懟

集解韋昭曰在危險

之怨而不怒況事王乎乃以其子代王太子太子竟得

脫名公周公二相行政號曰共和

索隱共音如字若汲冢紀年則云共伯干

王位共音恭共國伯爵言共伯攝王政故云干王位也正義共音巨用反章昭曰彘之亂公卿相與和而修政事號曰共和也魯連子云衛州共城縣本周共伯之國也共伯名和好行仁義諸侯賢之周厲王無道國人作難王奔於彘諸侯奉和以行天子事號曰共和元年十四年厲王死於彘共伯使諸侯奉王子靖為宣王而共伯復歸國於衛也衛世家云釐侯十三年周厲王出奔於彘共和行政焉二十八年周宣王立四十二年釐侯卒太子共伯餘立為君共伯弟和襲攻共伯於墓上共伯入釐侯墓自殺衛人因葬釐侯旁謚曰共伯而立和為衛侯是為武公按此文共伯不得立而和立為武公武公之立在共伯卒後年歲又不相當年表亦同明紀

年及魯連
子非也

共和十四年厲王死于彘太子靜長於召公

家二相乃共立之為王是為宣王宣王即位二相輔之

修政法文武成康之遺風諸侯復宗周十二年魯武公

來朝宣王不修籍於千畝

集解應劭云古者天子耕籍田千畝為天下先瓚曰籍蹈

籍也按宣王不修親耕之禮也

號文公諫曰

集解賈逵曰文公文王母弟號仲之後為王卿士也

韋昭曰文公號叔之後西號也宣王都鎬在畿內也正義括地志云號故城在岐州陳倉縣東南十里又云千

畝原在晉州岳陽縣北九十里也

不可王弗聽

索隱國語曰號文公諫云夫人之大事在農上

帝之榮盛於是乎出事之繁庶於是乎生人之供給於是乎取事具載國語

三十九年戰于

千畝

索隱地名在
西河介休縣

王師敗績于姜氏之戎

集解韋昭曰
西夷別種四

嶽之
後也

宣王既亡南國之師乃料民於太原

集解韋昭曰
敗於姜戎時

所亡也南國漢江之間料
數也唐國曰南國南陽也

仲山甫諫曰

正義毛萇云仲
山甫樊穆仲也

括地志云漢樊縣城在兗州瑕丘
縣西南古樊國仲山甫所封也

民不可料也宣王不

聽卒料民四十六年宣王崩

正義周春秋云宣王殺杜
伯而無辜後三年宣王會

諸侯田于圃日中杜伯起於道左衣朱衣冠操朱弓
矢射宣王中心折脊而死國語云杜伯射王於鄆

子

幽王宮湟立

集解徐廣
曰一作生

幽王二年西州三川皆震

集解
徐廣

曰涇渭洛也駟案韋昭曰西州鎬京地震動故三川亦
動正義按涇渭二水在雍州北洛水一名漆沮在雍州

東北南流入渭此時以王城為東周鎬京為西周

伯陽甫曰周將亡矣

集解韋昭曰伯

陽甫周大夫也唐固曰伯陽甫周柱下史老子也

夫天地之氣不失其序若過

其序民亂之也

集解韋昭曰過失也言民不敢斥王者也

陽伏而不能出陰

迫而不能蒸

集解韋昭曰蒸升也陽氣在下陰氣迫之使不能升也

於是地震

今三川實震是陽失其所而填陰也

集解韋昭曰為陰所填管也

陽

失而在陰

集解韋昭曰在陰下也

原必塞原塞國必亡夫水土演

而民用也

集解韋昭曰水土氣通為演演猶潤也演則生物民得用之

土無所演民

乏財用不亡何待昔伊洛竭而夏亡

集解韋昭曰禹都陽城伊洛所近也

河竭而商亡

集解韋昭曰商人
都衛河水所經也

今周德若二代之季矣

其川原又塞塞必竭夫國必依山川山崩川竭亡國之

徵也川竭必山崩

集解韋昭曰水泉
不潤枯朽而崩也

若國亡不過十年

數之紀也

集解韋昭曰數起於一終
於十十則更故曰紀也

天之所弃不過其

紀是歲也三川竭岐山崩三年幽王嬖愛褒姒

索隱褒
國名夏

同姓姒氏禮婦人稱國及姓其女是龍賧妖子為人
所收褒人納之于王故曰褒姒正義括地志云褒國故
城在梁州褒城縣東
二百步古褒國也

褒姒生子伯服幽王欲廢太子太

子母申侯女而為后後幽王得褒姒愛之欲廢申后并

去太子宜曰以褒姒為后以伯服為太子周太史伯陽

讀史記曰

正義諸國皆有史以記事故曰史記

周亡矣昔自夏后氏之衰

也有二神龍止於夏帝庭而言曰余褒之二君

集解虞翻曰龍

自號褒之二先君也

夏帝卜殺之與去之與止之莫吉卜請其粦

而藏之乃吉

集解韋昭曰粦龍所吐沫沫龍之精氣也

於是布幣而策告之

集解韋昭曰以簡策之書告龍而請其粦也

龍亡而粦在櫝而去之

集解韋昭曰櫝

也夏亡傳此器殷殷亡又傳此器周比三代莫敢發之

至厲王之末

集解虞翻曰末年王流彘之歲

發而觀之粦流于庭不可

除厲王使婦人裸而譟之

集解韋昭曰譟譟呼也唐固曰羣呼曰譟

爍化為

玄黿以入王後宮

索隱亦作黿音元玄黿蜃蜃也

後宮之童妾既齒而

遭之

集解韋昭曰毀齒曰齒女七歲而毀齒也

既笄而孕

正義笄音雞禮記云女子許嫁而笄

鄭玄云笄今簪

無夫而生子懼而棄之宣王之時童女謠曰壓

弧箕服實亡周國

集解韋昭曰山桑曰壓弧弓也箕木名服矢房也

於是宣王

聞之有夫婦賣是器者宣王使執而戮之逃於道而見

鄉者後宮童妾所棄妖子出於路者

集解徐廣曰妖一作天天幼小也正

義夫婦賣壓弧者宣王欲執戮之遂逃于路遇此妖子哀而收之

聞其夜啼哀而收之

夫婦遂亡犇於褒褒人有罪請入童妾所棄女子者於

王以贖罪

正義國語云周幽王伐有褒褒人以褒姒女焉與號石甫比也

棄女子出於

褒是為褒姒當幽王三年王之後宮見而愛之生子伯

服竟廢申后及太子以褒姒為后伯服為太子

索隱左傳所謂

携王奸命是也

太史伯陽曰禍成矣無可奈何褒姒不好笑幽

王欲其笑萬方故不笑幽王為烽燧

正義峯遂二音晝日燃烽以望火煙

夜舉燧以望火光也燧土櫓也燧炬火也皆山上安之有寇舉之

大鼓有寇至則舉烽

火諸侯悉至至而無寇褒姒乃大笑幽王說之為數舉

燧火其後不信諸侯益亦不至幽王以號石父為卿用

事國人皆怨石父為人佞巧集解徐廣曰善諛好利王

用之又廢申后去太子也申侯怒與繒西夷犬戎攻幽

王正義繒自陵反國語云繒如姓夏禹後幽王舉烽火

徵兵兵莫至遂殺幽王驪山下索隱驪在雍州新豐縣

徐廣曰力知反正義括地志云驪山在雍州新豐縣南

虜褒如盡取周賂而去集解驪山按驪山之陽即藍田山

年也正義按汲冢書晉咸和五年汲郡於是諸侯乃即

汲縣發魏襄王家得古書冊七十五卷

申侯而共立故幽王太子宜臼是為平王以奉周祀平

王立東遷于雒邑

正義即王城也平王以前號東都至敬王以後及戰國為西周

辟戎

寇平王之時周室衰微諸侯彊并弱齊楚秦晉始大政

由方伯

集解駟案周禮曰九命作伯鄭衆云長諸侯為方伯

四十九年魯隱公即

位五十一年平王崩太子洩父

正義音甫

蚤死立其子林是

為桓王桓王平王孫也桓王三年鄭莊公朝桓王不禮

索隱在魯隱六年

五年鄭宛與魯易許田許田天子之用事太

山田也

索隱左傳鄭伯以璧假許田卒易枋枋是鄭祀太山之田許是魯朝京師之湯沐邑有周公廟

鄭以其近故易取之此云許田天子用事太山田誤矣正義杜預云成王營王城有遷都之志故賜周公許田以為魯國朝宿之邑後世因而立周公別廟馬鄭桓公友周宣王之母弟封鄭有助祭太山湯沐邑在祊鄭以天子不復巡狩故欲以祊易許田各從本國所近之宜也恐魯以周公別廟為疑故云已廢大山之祀而欲為魯祀周公遜辭以求也括地志云許州許昌縣南四十里有魯城周公廟在城中祊田在沂州費縣東南按宛

鄭大

八年魯殺隱公

正義子允令公

立桓公十三年伐

鄭索隱在魯

鄭射傷桓王桓王去歸

索隱左傳縞葛之役祝聃射王中肩

是也

二十三年桓王崩子莊王佗立莊王四年周公黑肩

欲殺莊王而立王子克

集解賈逵曰莊王弟子儀也

辛伯告王

集解賈逵

曰辛伯周大夫也

王殺周公

索隱左傳云初子儀有寵於桓王桓王屬諸周公辛伯諫曰並后匹

嫡兩政耦國亂之本也周公不從故及於難然周公阿先王旨自取誅夷辛伯正君臣之義卒安王業二卿優

劣誠可識也

王子克奔燕

正義杜預云南燕姑姓也

十五年莊王崩子釐

王胡齊立

正義釐音僖

釐王三年齊桓公始霸五年釐王崩

子惠王閭立

索隱世本名母涼

惠王二年初莊王嬖姬姚

正義杜預

云姚姓也

生子頹

索隱莊王子釐王弟惠王之叔父也

頹有寵及惠王即位奪

其大臣園以為囿

集解駟案左傳曰大臣為國也

故大夫邊伯等五人

作亂

集解駟案左傳曰五人者為國邊伯詹父子禽祝跪也

謀召燕衛師

正義南燕滑州

昨城衛澶州衛南也

伐惠王惠王犇温

正義左傳云蘇忿生十二邑桓王奪蘇子十二邑與

鄭故蘇子同五大夫伐惠王温十二邑之一也杜預云河内温縣也

已居鄭之櫟

集解服虔曰櫟

鄭大都正義杜預云櫟今河南陽翟縣也

立釐王弟頽為王樂及徧舞

集解賈逵

曰徧舞皆舞六代之樂也

鄭虢君怒四年鄭與虢君伐殺王頽

正義賈逵

云鄭厲公突號公林父也

復入惠王惠王十年賜齊桓公為伯二十

五年惠王崩子襄王鄭立襄王母早死後母曰惠后

集解

駟案左傳曰陳媯歸于京師實惠后也正義按陳國舜後媯姓也

惠后生叔帶

索隱惠王子襄

王弟封於甘故左傳稱甘昭公正義惠王子襄王弟封之於甘括地志云故甘城在洛州河南縣西南二十五

里左傳云甘昭公王子叔帶也洛陽記云河南縣西南二十五里有水出焉北流入洛山上有甘城即甘公采

也邑有寵於惠王襄王畏之三年叔帶與戎翟謀伐襄王

襄王欲誅叔帶叔帶奔齊齊桓公使管仲平戎于周使

隰朋平戎于晉

集解服虔曰戎伐周晉伐戎救周故和也

王以上卿禮管仲

管仲辭曰臣賤有司也有天子之二守國高在

集解杜預曰國

子高子天子所命為齊守臣皆上卿也

若節春秋來承王命何以禮焉

集解

賈逵曰節時也王肅曰春秋聘享之節也

陪臣敢辭

集解服虔曰陪重也諸侯之臣於天子故曰陪

臣

王曰舅氏余嘉乃勲

集解賈逵曰舅氏言伯舅之使也正義武王娶太公女為后故

呼舅氏言我善汝有平戎之功歟

母逆朕命管仲卒受下鄉之禮而還

正義杜預云管仲不敢以職自高卒受本位之禮也

九年齊桓公卒十二年叔帶

復歸于周

集解駟案左傳曰王召之

十三年鄭伐滑

集解賈逵曰滑姬姓之國駟案

左傳曰滑人叛鄭而服於衛也正義杜預云滑故國都河南緱氏縣為秦所滅時屬鄭晉後屬周事在魯釐公二十年括地志云緱氏故城本費城也在洛州緱氏縣南東二十五里也

王使游孫伯服請

滑

集解賈逵曰二子周大夫

鄭人囚之鄭文公怨惠王之入不與厲

公爵

集解服虔曰惠王以后之鞏鑒與鄭厲公而獨與號公王爵正義左傳云莊公二十一年王巡號狩

號公為王宮于玆王與之酒泉鄭伯之享王王以后之鞏鑒與之號公請器王與之爵鄭伯由是怨王也杜預

云后鞶帶而以鏡為飾也爵
飲酒器也埤地名酒泉周邑

又怨襄王之與衛滑

集解服虔

曰滑小國近鄭世世服從而更違叛鄭
師伐之聽命後自愬於王王以與衛

故囚伯服王怒

將以翟伐鄭富辰諫

集解服虔曰富辰周大夫

曰凡我周之東徙晉

鄭焉依子頽之亂又鄭之由定今以小怨棄之王不聽

十五年王降翟師以伐鄭王德翟人將以其女為后富

辰諫曰平桓莊惠皆受鄭勞王棄親親翟不可從王不

聽十六年王紕翟后翟人來誅殺譚伯

集解唐固曰譚伯周大夫原伯

毛伯也索隱按國語亦云殺譚伯而左傳太叔之難獲
周公忌父原伯毛伯唐固據傳文讀譚為原然春秋有

譚何妨此時亦仕王朝預獲被殺國語既云殺譚伯故太史公依之不從左傳說也

富辰曰吾數

諫不從如是不出王以我為懟乎乃以其屬死之初惠

后欲立王子帶故以黨開翟人翟人遂入周襄王出奔

鄭

正義公羊傳云王者無外此其言出何不能事母也

鄭居王于汜

集解杜預曰鄭南汜在襄

城縣南正義汜音凡括地志云故汜城在許州襄城縣一里左傳云天王出居於鄭處於汜是

子帶立

為王取襄王所紂翟后與居溫

正義括地志云故溫城在懷州溫縣西三十里

漢晉為縣本周司寇蘇忿生之邑地理志云溫縣故國己姓蘇忿生所封也

十七年襄王告

急于晉晉文公納王而誅叔帶襄王乃賜晉文公珪鬯

弓矢為伯以河內地與晉

集解賈逵曰晉有功賞之以地楊樊溫原櫟茅之田也

二十年晉文公召襄王襄王會之河陽踐土

集解賈逵曰河陽晉

之溫也踐土鄭地名在河內正義括地志云故王宮在

鄭州滎澤縣西北十五里王宮城中左傳云晉文公敗

楚於城濮至於衡雍作王宮於踐土也按王城則所作

在踐土城內東北隅有踐土臺東去衡雍三十餘里也

諸侯畢朝書諱曰天王狩于河陽

集解駰案左傳云仲尼曰以臣召君不可

以訓故書曰狩

二十四年晉文公卒三十一年秦穆公卒三十

二年襄王崩子頃王壬臣立頃王六年崩子匡王班立

匡王六年崩弟瑜立是為定王定王元年楚莊王伐陸

渾之戎

集解駟案地理志陸渾縣屬弘農郡正義渾音魂杜預云允姓之戎居陸渾在秦晉西社二國誘

而徙伊川遂從戎號今洛州陸渾縣取其號也後漢書云陸渾戎自瓜州遷於伊川左傳云初平王之東遷也辛有適伊川見被髮而祭於野者曰不及百年此其戎乎其禮先亡矣按至僖公二十二年秋秦晉遷陸渾之戎于伊川計至辛有言適百年也括地志云故麻城謂之蠻中在汝州梁縣界左傳單浮餘圍蠻氏杜預云城在河南新城東南伊洛之戎陸渾蠻氏城也俗以為麻蠻聲相近故耳按新城今伊闕縣是也

次洛使

人問九鼎王使王孫滿應設以辭

集解賈逵曰王孫滿周大夫也

楚兵

乃去十年楚莊王圍鄭鄭伯降已而復之十六年楚莊

王卒二十一年定王崩子簡王夷立簡王十三年晉殺

其君厲公迎子周於周立為悼公十四年簡王崩子靈

王泄心立靈王二十四年齊崔杼弑其君莊公二十七

年靈王崩

集解駟案皇覽曰靈王冢在河南城西南栢亭西周山上蓋以靈王生而有髭而神故謚

靈王其冢民祀之不絕

子景王貴立

索隱名貴按國語景王二十一年鑄大錢及無射單穆公

及冷州鳩各設辭以諫今此不言亦其略耳

景王十八年后太子聖而早卒

二十年景王愛子朝

集解賈逵曰景王之長庶子

欲立之

正義左傳云子朝用

成周之寶珪沉於河津人得諸河上杜預云禱河求福也珪自水出也按河神不敢受故也

會崩

集解

駟案皇覽曰景王冢在洛陽太倉中秦封呂不韋洛陽十萬戶故大其城并園景王冢也

子丐之黨

與爭立國人立長子猛為王子朝攻殺猛猛為悼王晉

人攻子朝而立丐是為敬王

集解賈逵曰敬王猛母弟

敬王元年晉

人入敬王子朝自立敬王不得入居澤

集解賈逵曰澤邑周地也

四

年晉率諸侯入敬王于周子朝為臣

集解駟案春秋曰子朝奔楚皇覽曰

子朝冢在南陽西鄂縣今西鄂晁氏自謂子朝後也

諸侯城周十六年子朝之徒

復作亂敬王奔于晉十七年晉定公遂入敬王于周三

十九年齊田常殺其君簡公四十一年楚滅陳孔子卒

四十二年敬王崩

集解徐廣曰皇甫謐曰敬王四十四年元巳卯崩壬戌也

子元王

仁立

集解徐廣曰世本云貞王介也

元王八年崩子定王介立

集解徐廣曰世

本云元王赤也皇甫謐曰元王十一年癸未三晉滅智伯二十八年崩三子爭立立應為貞定王索隱世本云元王赤皇甫謐曰貞定王考據二文則是元有兩名一名仁一名赤如史記則元王為定王父定王即貞王也依世本則元王是貞王子必有一乖誤然此定當為貞字誤耳豈周家有兩定王代數又非遠乎皇甫謐見此疑而不決遂彌縫史記世本之錯謬因謂為貞定王未為得也定王十六年三晉滅智

伯分有其地二十八年定王崩

集解徐廣曰皇甫謐曰貞定王十年元癸亥崩

壬申

長子去疾立是為哀王哀王立三月弟叔襲殺哀王

而自立是為思王思王立五月少弟嵬攻殺思王而自

立是為考王此三王皆定王之子考王十五年崩

集解徐廣

曰皇甫謐曰考哲王元辛丑崩乙卯

子威烈王午立考王封其弟于河南

正義帝王世紀云考哲王封弟揭於河南續周公之官是為西周桓公按自敬王遷都成周號東周也桓公都

王城號西周桓公

是為桓公以續周公之官職桓公卒子威公

代立威公卒子惠公代立乃封其少子於鞏

集解徐廣曰惠公之

子也正義鞏奇拱反郭緣生述征記鞏縣周地鞏伯邑史記周顯王二年西周惠公封少子班於鞏以奉王室

為東周惠公也子武公為秦所滅

以奉王號東周惠公

索隱考王封其弟于河南為桓

公卒子威公立卒子惠公立長子曰西周公又封少子於鞏仍襲父號曰東周惠公於是有東西二周也按世

本西周桓公名揭居河南東周惠公名班居洛陽是也

威烈王二十三年九鼎震

命韓魏趙為諸侯二十四年崩

集解徐廣曰皇甫謐曰元丙辰崩已卯駟案宋

忠曰威烈王葬洛陽城中東北隅也

子安王驕立是歲盜殺楚聲王安王

立二十六年崩

集解皇甫謐曰安王元庚辰崩乙巳

子烈王喜立烈王二

年周太史儋

索隱老子列傳曰儋即老子耳又曰非也驗其年代是別人正義幽王時有伯陽甫

唐固曰伯陽甫老子也按幽王元年至孔子卒三百餘年孔子卒後一百二十九年儋見秦獻公然老子當孔

子時唐固說非也

見秦獻公曰

正義秦本紀云獻公十一年見見後十五年周顯王致文武昨

於秦孝公是復合時也

始周與秦國合而別別五百載復合

集解應劭

曰周孝王封伯翳之後為侯伯與周別五百載至昭王時西周君臣自歸受罪獻其邑三十六城合也韋昭曰周封秦為始別謂秦仲也五百歲謂從秦仲至孝公彊大顯王致伯與之親合也索隱按周封非子為附庸邑之秦號曰秦嬴是始合也及秦襄公始列為諸侯是別之也自秦列為諸侯至昭王五十二年西周君臣獻邑三十六城以入於秦凡五百一十六年合十七歲而霸王者

出馬

集解徐廣曰從此後十七年而秦昭王立駟案韋昭曰武王昭王皆伯至始皇而王天下索隱霸王

謂始皇也自周以邑入秦至始皇初立政由太后嫪毐至九年誅毒正十七年正義周始與秦國合者謂周秦俱黃帝之後至非子未別封是合也而別者謂非子末年周封非子為附庸邑秦後二十九君至秦孝公二年五百載周顯王致文武胙於秦孝公復與之親是復合也合十七歲而霸王者出謂從秦孝公三年至十九年

周顯王致胙於秦孝公是霸也孝公子惠王稱王是王者出也然五百載者非子生秦侯已下二十八君至孝公二年都合四百八十六年兼非子邑秦之後十四年則成五百載

正義扁邊典反

是為顯王顯王五年賀秦獻公獻公稱伯九年

致文武胙於秦孝公

集解駟案胙膳肉也左傳曰王使宰孔賜齊侯胙曰天子有事於文

武二十五年秦會諸侯於周二十六年周致伯於秦孝

公三十三年賀秦惠王三十五年致文武胙於秦惠王

四十四年秦惠王稱王

正義秦本紀云惠王十三年與韓魏趙並稱王

其後諸

侯皆為王

索隱謂韓魏齊趙也

四十八年顯王崩子慎靚王定立

慎靚王立六年崩子赧王延立

索隱皇甫謐曰名誕赧非謚謚法無赧正以微

弱竊鈇逃債赧然慙愧故號曰赧耳又按尚書中候以

赧為然鄭玄云然讀曰赧王劭按古音人扇反今音奴

板反爾雅

王赧時東西周分治

索隱西周河南也東周鞏也王赧微弱西周與

面慙曰赧

東分主政理各居一都故曰東西周按高誘曰西周王城今河南東周成周故洛陽之地

王赧徙都

西周

正義敬王徙王城東徙成周十世至王赧徙成周西徙王城西周武公居焉

西周武公

之共太子死

集解徐廣曰惠公之長子索隱按戰國策作東周武公

有五庶子母

適立司馬翦

正義翦音子踐反楚臣也

謂楚王曰不如以地資公子

咎為請太子左成曰

正義楚臣也

不可周不聽是公之知困

而交疎於周也

正義言以地資公子咎請為太子周若不許是楚於周交益疎

不如請

周君孰欲立以微告翦

正義楚命翦適周諷周君欲立誰以微言告於翦令楚賀之以

地周果立咎為太子也此以上至西周武公是楚令周立公子咎為太子也

翦請令楚賀之

以地果立公子咎為太子八年秦攻宜陽

正義括地志云故韓城一

名宜陽城在洛州福昌縣東十四里即韓宜陽縣城也

楚救之而楚以周為秦故

將伐之

索隱宜陽韓地秦攻而楚救之周為韓出兵而楚疑周為秦因加兵伐周

蘇代為周

說楚王曰何以周為秦之禍也

索隱蘇代為周說楚王王何以道周為秦周實

不為秦今王責周為秦周懼楚必入秦是為禍也

言周之為秦甚於楚者欲令

周入秦也故謂周秦也

索隱周秦相近秦欲并周而外睦於周故當時諸侯咸謂周秦

周知其不可解必入於秦此為秦取周之精者也

正義解音

紀買反代言周若知楚疑親秦其計定不可解免周必親於秦也是為秦取周精妙之計

為王計者

周於秦因善之不於秦亦言善之以疏之於秦

正義代言為王

計者周親我因而善之周不親亦言善之楚若善周周必疏於秦也

周絕於秦必入於郢

矣

正義郢楚都也楚既親周秦必絕周親楚矣以上至八年蘇代說楚合周

秦借道兩周之

間

正義上借音精夕反下音子夜反

將以伐韓周恐借之畏於韓不借

畏於秦史厭謂周君曰

正義厭烏減反又於點反索隱周君西周武公也時王赧微弱

不主盟會寄
居西周耳

何不令人謂韓公叔曰

集解徐廣曰一作何應劭曰氏姓譜

云以何姓為韓後

秦之敢絕周而伐韓者信東周也公何不與

周地發質使之楚

正義質音竹利反使音所吏反質使令公子及重臣等往楚為質使秦疑

楚又得不信周也質平敵不相負也

秦必疑楚不信周是韓不伐也又謂

秦曰韓彊與周地將以疑周於秦也周不敢不受秦必

無辭而令周不受

正義又謂秦曰韓彊與周地令秦疑周親則周不敢不受秦必無巧辭而

令周不敢不受韓地也

是受地於韓而聽於秦

索隱此史厭說韓令與周地使質於

楚令秦疑楚不信周得不假道伐韓而猶聽命於秦

秦召西周君西周君惡往故

令人謂韓王曰

索隱按戰國策云或人為周君謂魏王

秦召西周君將以

使攻王之南陽也王何不出兵於南陽周君將以為辭

於秦

索隱高誘註戰國策曰以魏兵在河南為辭周君不往朝秦也

周君不入秦秦必

不敢踰河而攻南陽矣

正義南陽今懷州也杜預云在晉山南以上至秦召西周君是

西周君說韓令出兵河南謀秦也

東周與西周戰韓救西周或為東周

說韓王曰

正義為音于偽反蓋或人為東周說王令按兵毋出則周德韓矣

西周故天

子之國多名器重寶王案兵毋出可以德東周

正義韓按兵不

出伐東周而東周甚媿韓之愚德也

而西周之寶必可以盡矣

正義韓出兵助西周

雖不攻東周西周媿其佐助寶器必盡歸於韓以王赧

謂成君楚圍雍氏

集解徐廣曰陽翟雍氏城也戰國策曰韓兵入西周西周令成君辯說秦

求救當是說此事而脫誤也索隱如徐此說自合當改而註結之不合與楚圍雍氏連註正義雍音於恭反括

地志云故雍城在洛州陽翟縣東二十五里故老云黃帝臣雍父作杵臼所封也按其地時屬韓也韓徵

甲與粟於東周東周君恐召蘇代而告之代曰君何患

於是臣能使韓毋徵甲與粟於周又能為君得高都集解

徐廣曰今河南新城縣高都城也索隱高誘曰高都韓邑今屬上黨也正義括地志云高都故城一名都都城

在洛州伊闕縣北三十五里周君曰子苟能請以國聽子代見韓相

國曰

集解漢書百官表曰相國秦官駟謂韓亦有相國然則諸國共放秦也索隱相國公仲侈也

楚

圍雍氏期三月也今五月不能拔是楚病也

正義謂楚兵弊弱也

今相國乃徵甲與粟於周是告楚病也韓相國曰善使

者已行矣

索隱已止也

代曰何不與周高都韓相國大怒曰

吾毋徵甲與粟於周亦已多矣

正義言幸甚也

何故與周高都

也代曰與周高都是周折而入於韓也秦聞之必大怒

忿周即不通周使是以弊高都得完周也曷為不與相

國曰善果與周高都

正義以上至楚國雍氏是蘇代為東周說韓令不徵甲而得高都

三十四年蘇厲謂周君曰秦破韓魏扑師武

集解徐廣曰扑一作

仆戰國策曰秦敗魏將犀武於伊闕

北取趙藺離石者

集解地理志曰西河有藺離石二縣

正義藺音力刃反括地志云離石縣今石州所理縣也藺近離石皆趙二邑

皆白起也是善

用兵又有天命今又將兵出塞攻梁

正義謂伊闕塞也在洛州南十九里

伊闕山今名鍾山酈元注水經云兩山相對望之若闕伊水歷其間故謂之伊闕按今謂之龍門禹鑿以通水

也

梁破則周危矣君何不令人說白起乎曰楚有養由

基者善射者也去柳葉百步而射之百發而百中之左

右觀者數千人皆曰善射有一夫立其旁曰善哥教射

矣養由基怒釋弓搯劍曰客安能教我射乎客曰非吾

能教子支左詘右也

索隱按列女傳曰左手如拒右手如附枝右手發之左手不知此射

之道也又越絕書曰左手如附太山右手如抱嬰兒

夫去柳葉百步而射之百發

而百中之不以善息

索隱言不以其善而且停息息止也

少焉氣衰力倦

弓撥矢鉤一發不中者百發盡息

索隱息猶弃言并弃前射

今破韓

魏扑師武北取趙蘭離石者公之功多矣今又將兵出

塞過兩周倍韓攻梁一舉不得前功盡棄公不如稱病

而無出

正義以上至三十四年是蘇厲為周說白起無伐梁也

四十二年秦破華

陽約

集解徐廣曰一作厄正義六國年表云白起擊魏華陽芒邠走括地志云故華陽城在鄭州管城縣

南四十里是

馬犯謂周君曰請令梁城周

索隱華陽地名司馬彪曰華陽亭名

在密縣秦昭王三十三年秦背魏約使客卿胡傷擊魏將芒邠華陽破之是馬犯見秦破魏約懼周危故謂周

君請梁城周而設詭計也

乃謂梁王曰周王病若死則犯必死矣

正義

馬犯周臣也乃說梁王曰秦破魏華陽之軍去周甚近周王憂懼國破猶身之重病若死則犯必死也

犯

請以九鼎自入於王王受九鼎而圖犯

索隱圖謀也犯謂梁王我方入

鼎於王王當謀救援已也

梁王曰善遂與之卒言戍周

正義戍守也周雖未入九

鼎於梁而梁信馬犯矯言遂與之卒令守周

因謂秦王曰

正義梁兵非戍周也將漸伐周而取

九鼎寶器王若不信試出師於境以觀梁王之變也梁非成周也將伐周也王試

出兵境以觀之秦果出兵又謂梁王曰

正義馬犯說秦得秦出兵於境

又重歸說梁王也

周王病甚矣犯請後可而復之

索隱按戰國策甚作瘡犯

請後可而復之者言王病愈所圖不遂請得在後有可之時以鼎入梁也正義復音扶富反復重也秦既破華陽軍今又出兵境上是周國病秦久矣犯前請卒戍周諸侯皆心疑梁取周後可更重請益卒守周乎

今

王使卒之周諸侯皆生心後舉事且不信不若令卒為

周城以匿事端

索隱梁實圖周九鼎且外遣卒戍周和合秦舉兵欲侵周梁不救周是本無善

周之事止是欲周危而取九鼎故諸侯皆心不信梁矣故不如匿事端使卒為周城正義既諸侯生心不如令

卒便為築城以隱匿疑伐周之事端絕諸侯不信之心梁王遂使城周解諸侯之疑也梁王曰善

遂使城周

正義以上至四十二年是馬犯說梁王為周築城也

四十五年周君之

秦客謂周最曰

索隱最音詞喻反周之公子也

公不若譽秦王之孝因

以應為太后養地

集解徐廣曰地理志云應今潁川城父縣應鄉是也索隱戰國策作原原

周地太后秦昭王母宣太后羊氏也正義括地志云故應城殷時應國在城父按應城此時屬周

秦王

必喜是公有秦交交善周君必以為公功交惡勸周君

入秦者必有罪矣

正義客謂周最曰周君與秦交善是最之功也與秦交惡勸周君入秦者

周最今必得勸周君之罪也以上四十五年是周客說周最令周君以應入秦得交善而歸也秦攻周

而周最謂秦王曰為王計者不攻周攻周實不足以利
聲畏天下天下以聲畏秦必東合於齊兵弊於周合天
下於齊則秦不王矣天下欲弊秦勸王攻周秦與天下
弊則令不行矣

正義令音力政反秦欲攻周最說秦曰周天子之國雖有重器名寶土地狹少

不足利秦國王若攻之乃有攻天子之聲而令天下以
攻天子之聲畏秦使諸侯歸於齊秦兵空弊於周則秦
不王矣是天下欲弊秦故勸王攻周令秦受天下弊而
令教命不行於諸侯矣以上秦攻周是周最說秦也

五十八年三晉距秦周令其相國之秦以秦之輕也還

其行

正義以秦輕易周相故
相國於是反歸周也

客謂相國曰秦之輕重未

可知也

正義言秦之輕相國重相國亦未可知

秦欲知三國之情公不如

急見秦王曰請為王聽東方之變秦王必重公重公是

秦重周周以取秦也齊重則固有周聚以收齊

集解徐廣曰一

作最亦古之聚字

是周常不失重國之交也

正義按周聚事齊而和於齊周故得

齊重今相國又得秦重是相國收秦周聚收齊周常不失大國之交也

秦信周發兵攻三

晉

正義三晉韓魏趙也以上至五十八年是客說周相國令報三國之情得秦重也

五十九年

秦取韓陽城負秦

集解徐廣曰陽城有負秦聚正義括地志云陽城洛州縣也負秦亭在陽

城縣西南三十五里故周邑左傳云鄭伐周負秦是也今屬韓國也

西周恐倍秦與諸侯

約從

集解文穎曰關東為從關西為橫孟康曰南北為從東西為橫

正義按諸說未允關東地南北長為從六國共居之關西地東西廣廣為橫秦獨居之將天下銳

師出伊闕攻秦

正義西周以秦取韓陽城負秦恐懼倍秦之約共諸侯連從領天下銳師從洛

州南出伊闕攻秦令秦無得通陽城秦昭王怒使將軍

繆攻西周

集解駟案漢書百官表曰前後左右將軍皆周末官也正義繆音糾虬反

西周君

犇秦

正義謂西

頃首受罪盡獻其邑三十六口三萬

秦昭王之秦受其獻歸其君於周周君王赧卒

集解宋忠曰謚

五十一年
曰西周武公索隱非也徐以西周武公是惠公之長子此周君即西周武公也蓋此時武公與王赧皆卒故連

言也正義劉伯莊云報是慙恥之甚輕微危弱寄佳東西足為慙報故號之曰報帝王世紀云名誕雖居天子之位號為諸侯之所役逼與家人無異名負責於民無以得歸乃上臺避之故周人名其臺曰逃責臺周

民遂東亡秦取九鼎寶器而遷西周公於慙狐

集解徐廣曰慙

音憚慙狐聚與陽人聚相近在洛陽南百五十里梁新城之間索隱西周蓋武公之太子文公也武公卒而立為秦所遷而東周亦不知其名號戰國策雖有周文君亦不知滅時定當何主蓋周室衰微略無紀錄故太史公雖考衆書以卒其事然二國代系甚不分明正義括地志云汝州外古梁城即慙狐聚也陽人故城即陽人聚也在汝州梁縣西四十里秦遷東周君也梁亦古梁城也在汝州梁縣西南十五里新城今洛州伊闕縣也按慙狐陽人傍

後七歲秦莊襄王滅東西周

集解徐廣曰周比亡

之時凡七縣河南洛陽穀城平陰偃師鞏緱氏正義括地志云故穀城在洛州河南縣西北十八里苑中河陰縣城本漢平陰縣在洛州洛陽縣東北五十里十三州志云在平津大河之南也魏文帝改曰河陰東西

周皆入于秦周既不祀

集解皇甫謐曰周凡三十七王八百六十七年索隱既盡也日

食盡曰旣言周祚盡滅無主祭祀正義按王赧卒後天下無主三十五年七雄並爭至秦始皇立天下一統十五年海內咸歸於漢矣

太史公曰學者皆稱周伐紂居洛邑綜其實不然武王營之成王使召公卜居居九鼎焉而周復都豐鎬至犬戎敗幽王周乃東徙于洛邑所謂周公葬我畢畢在鎬

東南杜中

集解徐廣曰一作社

秦滅周漢興九十有餘載天子將

封泰山東巡狩至河南求周苗裔封其後嘉三十里地

號曰周子南君

集解瓚曰汲冢古文謂衛將軍文子為子南彌牟其後有子南勁朝于魏後惠

成王如衛命子南為侯秦并六國衛最為後疑嘉是衛後故氏子南而稱君也正義括地志云周承休城一名

梁雀塢在汝州梁縣東北二十六里帝王世紀云漢武帝元鼎四年東巡河洛思周德乃封姬嘉三千戶地方

三十里為周子南君以奉周祀元鼎三年嘉弟昭進爵為承休侯在此城也平帝元始四年進為鄭公光武建

武三年封姬觀為衛公顏師古云子南其封邑之號故總言周子南君按自嘉以下皆姓姬氏著在史傳瓚言

子南為氏恐非

比列侯以奉其先祭祀

集解徐廣曰自周亡乙巳至元鼎四年戊辰一

百四十四年漢之九十四年也漢武元鼎四年封周後也

索隱述贊曰后稷居邠太王作周丹開雀錄火降鳥
流三分既有八百不謀蒼兕誓衆白魚入舟太師抱
樂箕子拘囚成康之日政簡刑措南巡不還西服莫
附共和之後王室多故縶弘興謠龍賡作蠹顏帶挂
禍實傾
周祚

史記卷四

史記卷四考證

周本紀周后稷正義地理志云右扶風縣岐山西北中水鄉○漢書地理志右扶風美陽縣下云岐山在西北中水鄉似脫一在字

曰姜原○監本將集解韓詩章句文混入正義內今改正

踐之而身動如孕者居期而生子○毛詩生民疏曰馬遷之言未可信也

號曰后稷。○困學紀聞曰：詩正義曰：稷之功成實在堯時，其封于郅，必是堯之封，故箋傳皆以爲堯本紀以後稷之號亦起舜時，其言不可信也。臣照按：棄爲農師，固在堯時，而舜典明有汝后稷播時百穀之文，本紀之言何不可信。

亞圉卒，子公叔祖類立。○路史發揮曰：杜預釋例云：高圉、僕、蜜，九世孫，而史索亦以辟方侯侔爲皆二人，斯得之矣。獨史記乃無辟方侯侔，雲都諸韞至皇甫謐

遂以為公非高圉亞圉祖紺之字蓋牽于單穆公十

四世之說乃合二人以為一耳

臣照

按三代以還典

籍湮沒非詩書所載但可存而弗論必欲伸此絀彼
有如捕風

踰梁山正義梁山橫長其東當陽西北臨河○推尋文
義陽字上脫一字據地理志宜是櫟陽

季歷娶太任正義國語曰摯疇二國任姓奚仲仲虺之
後○此非國語文乃韋昭注國語文也

此一物足以釋西伯況其多乎索隱一物謂嫫氏之美女也。○別本此下有以殷紂淫昏好色故知然十字于是虞芮之人正義括地志云故芮城縣西二十里古芮國也。○推尋文義應云故芮城在芮城縣西二十里

後七年而崩。○毛詩文王疏曰尚書武成篇曰我文考文王克成厥勲誕膺天命惟九年大統未集孔安國云言諸侯歸之九年而卒故大業未就劉歆作三統

歷考上世帝王以為文王受命九年而崩班固作漢書律歷志載其說于是賈逵馬融王肅韋昭皇甫謐皆悉同之文王九十七而終終時受命九年受命之元年年八十九其即諸侯之位已四十二年矣故帝王世紀云文王即位四十二年歲在鷄火文王于是更為受命之元年始稱王矣乃引周書稱文王受命九年惟暮之春在鎬召太子發作文傳九年猶召太子明其七年未崩故諸儒皆以為九年而崩其伏生

司馬遷以為文王受命七年而崩故尚書周傳云文王受命一年斷虞芮之訟二年伐邾三年伐密須四年伐犬夷五年伐耆六年伐崇七年而崩史記周本紀云西伯陰行善諸侯皆來決平虞芮既讓諸侯聞之曰西伯蓋受命之君也此是受命一年之事又曰明年伐犬夷明年伐密須明年敗耆國明年伐邾明年伐崇侯虎而作豐邑明年西伯崩此雖伐犬夷與伐耆伐邾其年與書傳不次要亦七年崩也又尚書

武成疏曰伏生司馬遷韓嬰之徒不見此書以為文
王受命七年而崩故鄭玄等皆依用之然則史記本
文是七年而正義則依尚書武成等書謂當是九年
故曰七當為九也監本七字皆訛作十字今俱改正
百夫荷罕旗以先驅○汲冢周書作百夫荷素質之旗
於王前

命南宮括散鹿臺之財○汲冢周書作南宮忽

命南宮括史佚展九鼎保玉○汲冢周書作乃命南宮

百達史佚遷九鼎三巫注云三巫地名

黃帝之後於祝帝堯之後於薊○樂記封黃帝之後於薊封帝堯之後於祝與此異

登豳之阜以望商邑○汲冢周書作升汾之阜

維天建殷其登名民三百六十夫不顯亦不賓滅以至

今○

臣照

按向以賓滅斷句而又不可得其解故索

隱改賓為擯言不即擯滅若然則是武王滅殷之後又以紂子武庚未殄而不暇寐也豈聖人之心哉且

於上文登名民三百六十句又如何可通竊謂減字
應從下句讀言惟天建殷而登名民三百六十可謂
濟濟多士矣殷王不能顯之亦不能賓之是故減以
至今即詩殷鑒不遠之意故下文云我未定天保何
暇寐求賢以自輔而輾轉反側也三百六十斷句夫
不顯亦不賓斷句乃可通

日夜勞來我西土索隱七字連作一句讀○汲冢周書
度邑解文今其文曰四方赤宜未之我於西土益訛

易不可解又一本我字上有定字索隱七字作八字
東伐淮夷殘奄集解鄭玄曰奄國在淮夷之北○尚書
疏引鄭云奄蓋在淮夷之地故孔穎達以為亦未能
詳

申告以文王武王之所以為王業之不易務在節儉毋
多欲以篤信臨之作顧命○王若虛辨惑曰今其書
但載成王末命使之率循大卞燮和天下以荅揚文
武之訓而已曷嘗有二公申告之事哉

臣照

按馬遷

之意即指康王之誥上半篇所言太保暨芮伯咸進相揖曰敢告天子云云耳蓋顧命與康王之誥本相連屬或古本於惟予一人釗報誥以下為康王之誥以上皆屬顧命亦未可定不得據以訾遷也

康王即位徧告諸侯宣告以文武之業以申之作康誥
○王若虛辨惑曰以書考之此篇乃康王之誥耳若康誥則成王所以命康叔者也其謬誤如此且本紀既先序周公作康誥酒誥等篇而於此復云書豈有

兩康誥耶

臣照

按馬遷或本作康王之誥而相傳之

訛致脫王之二字或此篇本亦名康誥後世以兩康誥而改此為康王之誥俱未可定不得指為惑而強辨也

穆王即位春秋已五十矣○孔安國書傳云穆王即位過四十矣孔疏云不知出何書也

共王弟辟方立○三代世表無辟字

瞽獻典○

臣照

按今國語及此紀皆作瞽獻典襄十四

年左傳瞽為詩正義引周語作瞽陳曲韋昭云瞽陳
樂曲獻之於王字書冊置几上曰典冊即冊字六即
几字如堯典舜典之屬非瞽之所應獻瞽陳樂曲於
義為長

幽王二年西周三川皆震○國語作幽王三年

鄭宛與魯易許田○宛監本訛作怨今改正

二十五年惠王崩○年表在二十四年

襄王母早死後母曰惠后惠后生叔帶○左傳疏曰二

十四年傳曰不穀不德得罪於母氏之寵子帶書曰
天王出居於鄭辟母弟之難也如彼傳文則襄王與
子帶俱是惠后所出但其母鍾愛其少子故欲廢太
子而立之周本紀云襄王母早死後母曰惠后生叔
帶與傳不同

叔帶奔齊○襄王四年魯僖十二年也叔帶奔齊在四
年此入三年年表亦然皆與左傳不符

十二年叔帶復歸於周○左傳叔帶復歸在魯僖二十

二年於襄王為十四年年表亦然此作十二年蓋誤
十三年鄭伐滑○春秋經伐滑在魯僖二十年於襄王
為十二年

十五年王降翟師以伐鄭王德翟人將以其女為后○
左傳魯僖二十四年夏狄伐鄭取櫟於襄王為十六
年國語作十七年此與王絀翟后玩左傳文似一年
事史記分載兩年

襄王乃賜晉文公珪鬯弓矢為伯以河內地與晉○左

傳魯僖二十八年天王狩於河陽賜晉文公珪鬯弓矢為伯此是後事

三十二年襄王崩○此是三十二年之誤合左傳及年表証之自知

子靈王泄心立○晉語作大心

二十年景王愛子朝欲立之會崩○左傳及年表景王二十五年崩此云二十年蓋脫五字

四十二年敬王崩○

臣世駿

按陸德明左傳釋文曰按

傳敬王崩在此年世本亦爾世族譜云敬王四十二年崩敬王子元王十年春秋之傳終矣據此則敬王崩當在哀公十七年史記周本紀及十二諸侯年表敬王四十二年崩子元王仁立則敬王是魯哀十八年崩也六國年表起自元王及本紀皆云元王八年崩子定王介立定王元年是魯哀公之二十七年與杜預世族譜為異又世本云魯哀公二十年是定王介崩子元王赤立則定王之崩年是魯哀公之二十

七年也衆說不同未詳孰是

王赧時東西周分治索隱西周河南也東周鞏也王赧微弱西周與東分主政理各居一都故曰東西周按高誘曰西周王城今河南東周成周故洛陽之地○

大事記曰周貞定王二十八年考王初立封其弟揭于河南是為河南桓公河南即邲鄆武王遷九鼎周公營以為都是為王城洛陽周公所營下都以遷頑民是為成周平王東遷定都王城王子朝之亂敬王

徙都成周至是考王以王城故地封桓公焉平王東
遷之後所謂西周者豐鎬也東周者洛陽也何以稱
河南為西周自洛陽下都視王城則在西也何以稱
洛陽為東周自河南王城視下都則在東也河南桓
公卒子威公立威公卒子惠公立考王十五年河南
惠公復自封其少子班于鞏以奉王號東周沒亦諡
惠是時東西周雖未分治河南惠公既號奉王者為
東周亦必自號西周矣顯王二年趙與韓分周為二

于是東西各為列國顯王雖在東周特建空名是後
史傳所載致伯賜胙之類者周王也征伐謀策稱東
西周君者皆謂二周也周本紀云赧王時東西周分
治非也赧王特徙都西周耳當以趙世家為正

史厭謂周君○戰國策作史厭

還其行○徐孚遠曰按戰國策作留其行注留不進也
此還字恐是遲字之誤

史記卷四考證

欽定四庫全書

史記卷五

漢太史令司馬遷撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

秦本紀第五

索隱秦雖嬴政之祖本西戎附庸之君豈以諸侯之邦而與五帝三王同稱本紀斯必不可

降為秦
世家

秦之先帝顓頊之苗裔

正義黃帝之孫號高陽氏

孫曰女脩女脩織

玄鳥隕卵女脩吞之生子大業

索隱女脩顓頊之裔女吞鳧子而生大業其父

不著而秦趙以母族而祖顓頊非生人之義也按左傳鄭國少昊之後而嬴姓蓋其族也則秦趙宜祖少昊氏

正義列女傳云陶子生五歲而佐禹曹大家注云陶子者臯陶之子伯益也按此即知大業是臯陶

大業

取少典之子曰女華女華生大費

索隱扶味反一音祕尋費後以為氏則扶

味反為得此即秦趙之祖嬴姓之先一名伯翳尚書謂之伯益系本漢書謂之伯益是也尋檢史記上下諸文

伯翳與伯益是一人不疑而陳杞系家即敘伯翳與伯益為二未知太史公疑而未決邪抑亦謬誤爾
與

禹平水土已成帝錫玄圭禹受曰非予能成亦大費為

輔帝舜曰咨爾費贊禹功其賜爾皐游

索隱游音旒謂賜以皐色旒旒

之旒色與玄圭色副言其大功成也然其事亦當有所出

爾後嗣將大出

索隱出猶生也言爾

後嗣繁昌將大生出子孫也故左傳亦云晉公子姬出也

乃妻之姚姓之王女

集解徐廣

曰皇甫謐云賜之玄王妻以姚姓之女也

大費拜受佐舜調馴鳥獸鳥獸多

馴服是為栢翳舜賜姓嬴氏大費生子二人一曰大廉

實鳥俗氏二曰若木實費氏

索隱以仲衍鳥身人言故為鳥俗氏俗一作洛若木

以王父字為費氏也

其玄孫曰費昌子孫或在中國或在夷狄

索隱

殷紂時費仲
即昌之後也
費昌當夏桀之時去夏歸商為湯御以敗

桀於鳴條大廉玄孫曰孟戲中行

索隱舊解以孟戲仲衍是一人今以孟仲

分字當是
二人名也

鳥身人言

正義身體是鳥而能人言
又云口及手足似鳥也

帝太戊

聞而卜之使御吉遂致使御而妻之自太戊以下仲衍

之後遂世有功

正義謂費昌及仲衍

以佐殷國故嬴姓多顯遂為

諸侯其玄孫曰中湑

集解徐廣曰一作滑正義中音仲
湑音決宋忠注世本云仲滑生飛

廉在西戎保西垂生蜚廉蜚廉生惡來惡來有力

集解
駟案

晏子春秋曰
手裂虎咒

蜚廉善走父子俱以材力事殷紂周武王

之伐紂并殺惡來是時蜚廉為紂石北方

集解徐廣曰皇甫謐云作

石椁於北方索隱石下無字則不成文意亦無所見必是史記本脫皇甫謐尚得其說徐雖引之而竟不云是脫何字專質之甚也正義為于偽反劉伯莊云霍太山紂都之北也霍太山在晉州霍邑縣按在衛州朝歌之方還無所報為壇霍太山

集解駟案地理志霍太山在河東彘縣

而報得

石棺

正義紂既以崩無所歸報故為壇就霍太山而祭紂報云作得石槨

銘曰帝令處父

不與殷亂

索隱處父蜚廉別號

賜爾石棺以華氏死遂葬於霍太

山

集解皇甫謐云去彘縣十五里有冢常祠之索隱言處父至忠國滅君死而不忘臣節故天賜石棺以光

華其族事蓋非實譙周深所不信

蜚廉復有子曰季勝

正義音升

季勝生孟

增孟增幸於周成王是為宅臯狼

正義地理志云西河郡臯狼縣也按孟增

居臯狼而生衡父

臯狼生衡父衡父生造父造父以善御幸於

周繆王得驥溫驪

集解徐廣曰溫一作盜駟案郭璞云為馬細頸驪黑色索隱溫音盜徐廣

亦作盜盜鄒誕生本作駟音陶劉氏音義云盜竊驪為得之也驪驪集

郭璞曰色如華而赤今名馬驪赤者為棗駟駟赤馬也

驪耳之駟

集解郭璞曰紀年云北唐之君

來見以一驪馬是生綠耳八駿皆因其毛色以為名號駟案穆天子傳穆王有八駿之乘此紀不具者也索隱

按穆王傳曰赤驥盜驪白義渠黃驊騮騶騶耳山子

西巡狩樂而忘歸

集解郭璞曰紀

年云穆王十七年西征於崑崙丘見西王母正義括地志云崑崙山在肅州酒泉縣南八十里十六國春秋前

涼張駿酒泉守馬岌上言酒泉南山即崑崙之丘也周
穆王見西王母樂而忘歸即謂此有石室王母堂珠璣
樓嚴飾煥若神宮按肅州在京西北二千徐偃王作亂
九百六十里即小崑崙也非河源出處者
集解駟案地理志曰臨淮有徐縣云故徐國尸子曰徐
偃王有筋而無骨駟謂號偃由此正義括地志云大徐
城在泗州徐城縣北三十里古徐國也博物志云徐君
宮人有娠而生卵以為不祥棄於水濱孤獨母有犬鵲
蒼銜所棄卵以歸覆煖之乃成小兒生偃故宮人聞之
更取養之及長襲為徐君後鵲蒼臨死生角而九尾化
為黃龍鵲蒼或名后蒼括地志又云徐城在越州鄞縣
東南入海二百里夏侯志云翁洲上有徐偃王城傳云
昔周穆王巡狩諸侯共尊偃王穆王聞之令造父御乘
驍裒之馬日行千里自還討之或云命楚王帥師伐之
偃王乃於此造父為繆王御長驅歸周一日千里以救
處立城以終

亂正義古史考云徐偃王與楚文王同時去周穆王遠矣且王者行有周衛豈得救亂而獨長驅日行千里乎並言此事非實按年表穆王元年去楚文王元年三百一十八年繆王以趙城封造父集解徐廣曰趙城在河東永安縣正義括地志云趙城今晉州趙城縣是本虢縣地後改曰永安即造父之邑

造父族由此為趙氏自蜚廉生季勝已下五世至造父別居趙趙衰其後也惡來草者蜚廉子也早死有子曰

女防女防生旁皐旁皐生太几太几生大駱大駱生非

子以造父之寵皆蒙趙城姓趙氏非子居犬丘集解徐廣曰今

槐里也正義括地志云犬丘故城一名槐里亦曰廢丘在雍州始平縣東南十里地理志云扶風槐里縣周曰

犬丘懿王都之秦更名廢丘高祖三年更名槐里也

好馬及畜

正義好火到反畜許救反

善養

息之犬丘人言之周孝王孝王召使主馬于汧渭之間

正義汧音牽言於二水之間在隴州以東

馬大蕃息孝王欲以為大駱適嗣

申侯之女為大駱妻生子成為適申侯乃言孝王曰昔

我先酈山之女

正義申侯之先娶於酈山

為戎胥軒妻

正義胥軒仲衍曾孫也

生中湑以親故歸周保西垂西垂以其故和睦今我復

與大駱妻生適子成申駱重婚西戎皆服所以為王

正義

言申駱重婚重直龍反西戎皆從所以得為王王即孝王

王其圖之於是孝王曰昔

栢翳為舜主畜畜多息故有土賜姓嬴今其後世亦為

朕息馬朕其分土為附庸邑之秦

集解徐廣曰今天水隴西縣秦亭也正義

括地志云秦州清水縣本名秦嬴姓邑十三州志云秦亭秦谷是也周太史儋云始周與秦國合而別故天子

邑之使復續嬴氏祀號曰秦嬴亦不廢申侯之女子為

駱適者以和西戎秦嬴生秦侯秦侯立十年卒生公伯

公伯立三年卒生秦仲秦仲立三年周厲王無道諸侯

或叛之西戎反王室滅犬丘大駱之族周宣王即位

集解

徐廣曰秦仲之十八年也乃以秦仲為大夫誅西戎西戎殺秦仲秦

仲立二十三年死於戎

集解駟案毛詩序曰秦仲始大有車馬禮樂侍御之好也

子五人其長者曰莊公周宣王乃召莊公昆弟五人與

兵七千人使伐西戎破之於是復予秦仲後及其先大

駱地犬丘并有之為西垂大夫

正義注水經云秦莊公伐西戎破之周宣王與

大駱犬丘之地為西垂大夫括地志云秦州上邽縣西南九十里漢隴西郡西縣是也莊公居其故

西犬丘生子三人其長男世父世父曰戎殺我大父仲

我非殺戎王則不敢入邑遂將擊戎讓其弟襄公襄公

為太子莊公立四十四年卒太子襄公代立襄公元年

以女弟繆嬴為豐王妻襄公二年

正義括地志云故汧城在隴州汧源縣東

南三里帝王世紀云秦襄公二年徙都汧即此城

戎圍犬丘世父世父擊之為

戎人所虜歲餘復歸世父七年春周幽王用褒姒廢太

子立褒姒子為適數欺諸侯諸侯叛之西戎犬戎與申

侯伐周殺幽王酈山下而秦襄公將兵救周戰甚力有

功周避犬戎難東徙雒邑

正義周平王徙居王城即雒誥云我卜澗水東瀍水西者

也襄公以兵送周平王平王封襄公為諸侯賜之岐以

西之地曰戎無道侵奪我岐豐之地秦能攻逐戎即有

其地與誓封爵之襄公於是始國與諸侯通使聘享之

禮乃用駢駒

集解徐廣曰赤馬黑鬣曰駢

黃牛羝羊各三祠上帝西

時

集解徐廣曰年表云立西時祠白帝索隱襄公始列為諸侯自以居西時西時縣名故作西時祠白帝時

止也言神靈之所依止也亦音市謂為壇以祭天也

十二年伐戎而至岐卒生文

公文公元年居西垂宮

正義即上西縣是也

三年文公以兵七百

人東獵四年至汧渭之會曰昔周邑我先秦嬴於此後

卒獲為諸侯乃卜居之占曰吉

正義括地志云郿縣故城在岐州郿縣東北十

五里毛萇云郿地名也秦文公東獵汧渭之會卜居之乃營邑焉即此城也

即營邑之十年

初為廊時

集解徐廣曰廊縣屬馮翊索隱音敷亦縣名於廊地作時故曰廊時故封禪書曰秦文公

夢黃蛇自天而下屬之地止於廊衍史敦以為神故立時正義括地志云三時原在岐州雍縣南二十里封禪書云秦文公作廊時襄公作西時靈公作吳陽上時並此原上因名也

用三牢十三年初

有史以紀事民多化者十六年文公以兵伐戎戎敗走於是文公遂收周餘民有之地至岐岐以東獻之周十

九年得陳寶

索隱按漢書郊祀志云文公獲若石云于陳倉北坂城祠之其神來若雄雉其聲殷

殷云野雞夜鳴以一牢祠之號曰陳寶又臣瓚云陳倉縣有寶夫人祠歲與葉君神會也蘇林云質如石似肝云語辭正義括地志云寶雞神在岐州陳倉縣東二十里故陳倉城中晉太康地志云秦文公時陳倉人獵得

獸若羆不知名牽以獻之逢二童子童子曰此名為媚
常在地中食死人腦即欲殺之拍捶其首媚亦語曰二
童子名陳寶得雄者王得雌者霸陳倉人乃逐二童子
化為雉雌上陳倉北坂為石秦祠之搜神記云其雄者
飛至南陽其後光武起
二十年法初有三族之罪

集解張晏

曰父母兄弟妻子也如
淳曰父族母族妻族也
二十七年伐南山大梓豐大特

集解徐廣曰今武都故道有怒特祠圖大牛上生樹本
有牛從木中出後見於豐水之中正義括地志云大梓
樹在岐州陳倉縣南十里倉山上錄異傳云秦文公時
雍南山有大梓樹文公伐之輒有大風雨樹生合不斷
時有一人病夜往山中聞有鬼語樹神曰秦若使人被
髮以朱絲繞樹伐汝汝得不困耶樹神無言明日病人
語聞公如其言伐樹斷中有一青牛出走入豐水中其
後牛出豐水中使騎擊之不勝有騎墮地復上髮解牛

畏之入不出故置髦頭漢魏晉因之武都郡立
怒特祠是大梓牛神也按今俗畫青牛障是
四十八

年文公太子卒賜謚為靖公
集解徐廣曰文公之十四年魯隱之元年 四 靖

公之長子為太子是文公孫也五十年文公卒葬西山

集解徐廣曰皇甫謐云葬於西山在今隴西之西縣 靖公子立是為寧公
集解徐廣曰一

作寧公二年公徙居平陽
集解徐廣曰鄆之平陽亭正義帝王世紀云秦寧公都平

陽按岐山縣有陽平鄉鄉內有平陽聚括地志云平陽故城在岐州岐山縣西四十六里秦寧公徙都之處

遣兵伐蕩社
集解徐廣曰蕩音湯社一作杜索隱西戎之君號曰亳王蓋成湯之脣其邑曰蕩社

徐廣云一作湯杜言湯邑在杜縣之界故曰湯杜也正義括地志云雍州三原縣有湯陵又有湯臺在始平縣

西北八里按其國蓋
在三原始平之界矣
三年與亳戰亳王奔戎遂滅蕩社

集解皇甫謐云亳王
號蕩西夷之國也
四年魯公子翬
正義音暉
即羽父也
弑其君

隱公十二年伐蕩氏取之寧公生十歲立立十二年卒

葬西山
正義括地志云秦寧公墓在岐州陳倉縣西北
三十七里秦陵山帝王世紀云秦寧公葬西山

大麓故號秦陵山也按文
公亦葬西山蓋秦陵山也
生子三人長男武公為太子

武公弟德公同母魯姬子生出子
正義德公母
號魯姬子
寧公卒

大庶長弗忌威壘
正義音
力追反
三父廢太子而立出子為君

出子六年三父等復共令人賊殺出子出子生五歲立

立六年卒三父等乃復立故太子武公武公元年伐彭

戲氏

正義戲音許宜反戎號也蓋同州彭衙故城是也

至於華山下

正義即華嶽之下也

居平陽封宮

正義宮名在岐州平陽城內也

三年誅三父等而夷三族

以其殺出子也鄭高渠眯殺其君昭公

索隱春秋魯桓公十七年左傳

作高渠彌也

十年伐邽冀戎初縣之

集解駟案地理志隴西有上邽縣應劭曰即邽

戎邑冀縣屬天水郡

十一年初縣杜鄭

集解駟案地理志京兆有鄭縣杜縣正義括地志云

下杜故城在雍州長安縣東南九里古杜伯國華州鄭縣也毛詩譜云鄭國者周畿內之地宣王封其弟於咸

林之地是為鄭桓公按秦得皆縣之

滅小虢

集解駟案班固曰西虢在雍州正義號音古伯反括地志

云故號城在岐州陳倉縣東四十里次西十餘里又有城亦名號城輿地志云此號文王母弟號叔所封是曰西號按此號滅時陝州之號猶謂之小號又云小號羌之別種

十三年齊人管至父連

稱等殺其君襄公而立公孫無知晉滅霍魏耿

索隱春秋魯閔

公元年左傳云晉滅耿滅魏滅霍又曰賜趙夙耿賜畢萬魏杜預注曰平陽皮氏縣東南有耿鄉永安縣東北有霍太山三國皆姬姓正義括地志云霍晉州霍邑縣又春秋時霍伯國韋昭云霍姬姓也括地志云故耿城今名耿倉城在絳州龍門縣東南十齊雍廩正義雍於二里故耿國都城記云耿嬴姓國也宮反廩力甚反是雍林邑人姓名也殺無知管至父等而立齊桓公齊晉為疆

國十九年晉曲沃始為晉侯

索隱晉穆侯少子成師居曲沃號曲沃桓叔至武公

稱滅晉侯緡始為晉君也

齊桓公伯於鄆

正義伯音霸

二十年武公卒葬

雍平陽初以人從死從死者六十六人有子一人名曰

白白不立封平陽

正義即雍平陽也平陽時屬雍並在岐州解在上也

立其弟德

公德公元年初居雍城

集解徐廣曰今縣在扶風

大鄭宮

正義括地志云岐州

雍縣南七里故雍城秦德公大鄭宮城也

以犧三百牢祠廊時卜居雍後子

孫飲馬於河

正義卜居雍之後國益廣大後代子孫得東飲馬於龍門之河

梁伯芮伯

來朝

索隱梁嬴姓芮姬姓梁國馮翊夏陽芮國馮翊臨晉正義括地志云南芮鄉故城在同州朝邑縣南

三十里又有北芮城皆古芮伯國鄭玄云周同姓之國在畿內為王卿士者左傳云桓公三年芮伯萬之母芮

姜惡芮伯之多寵人故逐之出居魏今按州芮城縣界有芮國城蓋是殷末虞芮爭田之芮國是也

二年

初伏

集解孟康曰六月伏日初也周時無至此乃有之正義六月三伏之節起秦德公為之故云初伏伏

者隱伏避暑也歷忌釋云伏者何以金氣伏藏之日也四時代謝皆以相生立春木代水水生木立夏火代

木木生火立冬水代金金生水立秋以金以狗禦蠱集

代火故至庚日必伏庚者金故曰伏也

以狗禦蠱

集

徐廣曰年表云初作伏祠社礫狗邑四門也正義蠱者熱毒惡氣為傷害人故礫狗以禦之年表云初作伏祠社礫狗邑四門按礫禳也狗陽畜也以狗張礫於郭四門禳却熱毒氣也左傳云皿蟲為蠱顧野王云穀皆積變為飛

蠱也

德公生三十三歲而立立二年卒生子三人長

子宣公中子成公少子穆公長子宣公立宣公元年衛

燕伐周

正義衛惠公都即今衛州也燕南燕也周天王也括地志云滑州故城古南燕國應劭云南燕

姑姓之國黃帝之後

出惠王立王子頹三年鄭伯虢叔

正義括地志云洛州

汜水縣古東虢國亦鄭之制邑漢之咸臯即周穆王虎牢城左傳云宮之奇曰虢仲虢叔王季之穆也

殺

子頹而入惠王四年作密時

正義括地志云漢有五時在岐州雍縣南則鄜時吳

陽上時下時密時北時秦文公夢黃蛇自天而下屬地其口止於鄜衍作時郊祭白帝曰鄜時秦宣公作密時

於渭南祭青帝秦靈公作吳陽上時祭黃帝作下時亦祠黃帝漢高帝曰天有五帝今四何也待我而具五遂

立黑帝曰北時是也

與晉戰河陽勝之十二年宣公卒生子九人

莫立立其弟成公成公元年梁伯

正義括地志云同州韓城縣南二十二里

少梁故城古少梁國都城記云梁伯國嬴姓之後與秦同祖秦穆公二十二年滅之芮伯來朝齊

桓公伐山戎次于孤竹

正義括地志云孤竹故城在平州盧龍縣十二里殷時諸侯孤竹

國成公立四年卒子七人莫立立其弟繆公索隱秦自宣公已上

皆史失其名今按世本繆公任好元年自將伐茅津正古史考得繆公名任好

劉伯莊云戎號也括地志云茅津及茅城在陝勝之四

年迎婦於晉晉太子申生姊也其歲齊桓公伐楚至邵

陵五年晉獻公滅虞號虜虞君與其大夫百里奚以璧

馬賂於虞故也既虜百里奚以為秦繆公夫人媵於秦

百里傒亡秦走宛

集解駰按地理志南陽有宛縣正義宛於元反今鄧州縣

楚鄙人

執之繆公聞百里傒賢欲重贖之恐楚人不與乃使人

謂楚曰吾媵臣百里傒在焉請以五羖羊皮贖之楚人

遂許與之當是時百里傒年已七十餘繆公釋其囚與

語國事謝曰臣亡國之臣何足問繆公曰虞君不用子

故亡非子罪也固問語三日繆公大說授之國政號曰

五羖大夫百里傒讓曰臣不及臣友蹇叔蹇叔賢而世

莫知臣常游困於齊而乞食鉅人

集解徐廣曰鉅一作鉅正義鉅音珍栗反

鉅地名在沛縣

塞叔收臣臣因而欲事齊君無知塞叔止臣臣

得脫齊難遂之周周王子頽好牛臣以養牛干之及頽

欲用臣塞叔止臣臣去得不誅事虞君塞叔止臣臣知

虞君不用臣臣誠私利祿爵且留再用其言得脫一不

用及虞君難是以知其賢於是穆公使人厚幣迎塞叔

以為上大夫秋繆公自將伐晉戰於河曲

集解徐廣曰一作西駟案

公羊傳曰河千里而一曲也服虔曰河曲晉地杜預曰河曲在蒲坂南正義按河曲在華陰縣界也晉驪

姬作亂太子申生死新城

正義韋昭云曲沃新為太子城括地志云絳州曲沃縣有

曲沃故城土人以
為晉曲沃新城

重耳夷吾出犇

正義重耳奔翟夷吾奔少梁也

九年

齊桓公會諸侯於葵丘

正義括地志云葵丘在曹州考城縣東南一里一百五十步郭

內即桓公會處又青州臨淄縣有葵丘即傳連稱管至父所戍處

晉獻公卒立驪姬子

奚齊其臣里克殺奚齊荀息立卓子

集解徐廣曰一作倬

克又殺

卓子及荀息夷吾使人請秦求入晉於是繆公許之使

百里奚將兵送夷吾夷吾謂曰誠得立請割晉之河西

八城

正義謂同華等州地

與秦及至已立而使丕鄭謝秦背約不

與河西城而殺里克丕鄭聞之恐因與繆公謀曰晉人

不欲夷吾實欲重耳今背秦約而殺里克皆呂甥卻芮
之計也願君以利急召呂卻呂卻至則更入重耳便繆
公許之使人與丕鄭歸召呂卻呂卻等疑丕鄭有間乃
言夷吾殺丕鄭丕鄭子丕豹奔秦說繆公曰晉君無道
百姓不親可伐也繆公曰百姓苟不便何故能誅其大
臣能誅其大臣此其調也

正義調音徒聊反言能誅大
臣丕鄭云是夷吾於百姓調

和也劉伯莊音徒弔反按調選也邪
臣誅忠臣用是夷吾能調選兩通也不聽而陰用豹十

二年齊管仲隰朋死晉早來請粟丕豹說繆公勿與因

其飢而伐之繆公問公孫支

集解服虔曰秦大夫公孫子桑

支曰飢穰

更事耳不可不與問百里奚奚曰夷吾得罪於君其百

姓何罪於是用百里奚公孫支言卒與之粟以船漕車

轉自雍相望至絳

集解賈逵曰雍秦國都絳晉國都也

十四年秦飢請粟

於晉晉君謀之羣臣號射曰

正義射音石也

因其飢伐之可有

大功晉君從之十五年興兵將攻秦繆公發兵使丕豹

將自往擊之九月壬戌與晉惠公夷吾合戰於韓地

正義

左傳云僖公十五年秦晉戰於韓原秦獲晉侯以歸括地志云韓原在同州韓城縣西南十八里十六國春秋

云魏顯夢父結草原秦將杜回亦在韓原晉君棄其軍與秦爭利還而馬驚

正義驚音致又勅利反國語云晉師潰戎馬還寧而止韋昭云寧深泥也繆公與麾下馳追

之不能得晉君反為晉軍所圍晉擊繆公繆公傷於是

岐下食善馬者三百人馳冒晉軍晉軍解圍遂脫繆公

而反生得晉君初繆公亡善馬岐下野人共得而食之

者三百餘人

正義括地志云野人塢在岐州雍縣東北二十里按野人盜馬食處因名焉

吏

逐得欲法之繆公曰君子不以畜產害人吾聞食善馬

肉不飲酒傷人乃皆賜酒而赦之三百人者聞秦擊晉

皆求從從而見繆公窘亦皆推鋒爭死以報食馬之德
於是繆公虜晉君以歸令於國齊宿吾將以晉君祠上
帝周天子聞之曰晉我同姓為請晉君夷吾姊亦為穆
公夫人夫人聞之乃衰經跣曰妾兄弟不能相救以辱
君命繆公曰我得晉君以為功今天子為請夫人是憂
乃與晉君盟許歸之更舍上舍而饋之七牢

集解賈逵
曰諸侯饗

餼七牢牛一羊一
豕一為一牢也

十一月歸晉君夷吾夷吾獻其河西

地使太子圉為質於秦秦妻子圉以宗女是時秦地東

至河

正義晉河西八城入秦秦東境至河即龍門河也

十八年齊桓公卒二十

年秦滅梁芮

正義梁芮國皆在同州秦得其地故滅二國之君

二十二年晉公

子圉聞晉君病曰梁我母家也

正義子圉母梁伯之女也

而秦滅之

我兄弟多即君百歲後秦必留我而晉輕亦更立他子

子圉乃亡歸晉二十三年晉惠公卒子圉立為君秦怨

圉亡去乃迎晉公子重耳於楚而妻以故子圉妻重耳

初謝後乃受繆公益禮厚遇之二十四年春秦使人告

晉大臣欲入重耳晉許之於是使人送重耳二月重耳

立為晉君是為文公文公使人殺子圉子圉是為懷公

其秋周襄王弟帶以翟伐王王出居鄭

正義王居于汜邑也

二十

五年周王使人告難於晉秦秦繆公將兵助晉文公入

襄王殺王弟帶二十八年晉文公敗楚於城濮

正義衛地也今

濮州三十年繆公助晉文公圍鄭

正義左傳僖公三十年晉侯秦伯圍鄭杜預云

文公過鄭鄭不禮之

鄭使人言繆公曰亡鄭厚晉於晉而得矣而

秦未有利晉之彊秦之憂也繆公乃罷兵歸晉亦罷三

十二年冬晉文公卒鄭人有賣鄭於秦曰我主其城門

鄭可襲也繆公問蹇叔百里奚對曰徑數國千里而襲

人希有得利者且人賣鄭庸知我國人不有以我情告

鄭者乎不可繆公曰子不知也吾已決矣遂發兵使百

里奚子孟明視蹇叔子西乞術及白乙丙將兵行日百

里奚蹇叔二人哭之繆公聞怒曰孤發兵而子沮哭吾

軍何也

正義沮自呂反沮毀也左傳云蹇叔哭之曰孟子吾見師之出不見其入也

二老曰

臣非敢沮君軍軍行臣子與往

正義與音預

臣老遲還恐不

相見故哭耳二老退謂其子曰汝軍即敗必於殽阨矣

正義穀音故交反阮音厄春秋云魯僖公三十三年晉人及姜戎敗秦師於穀括地志云三穀山又名嶽岑山在洛州永寧縣西北二十里即古之穀道也三十三年春秦兵遂東更晉地

過周北門周王孫滿曰秦師無禮

正義左傳云秦師過周北門左右免胄而

下起乘者三百乘王孫滿尚幼觀之言於王曰秦師輕而無禮必敗杜預云王城北門也謂過天子門不卷甲

束兵起乘示勇也

不敗何待兵至滑

正義為八反括地志云緄氏故城在洛州緄氏縣東

二十五里滑伯國也鄭販賣賈人

正義賣麥卦反賈音古左傳作商人也

弦高

集解人姓名

持十二牛將賣之周見秦兵恐死虜因獻

其牛曰聞大國將誅鄭鄭君謹修守禦備使臣以牛十

二勞軍士秦三將軍相謂曰將襲鄭鄭今已覺之往無
及已滅滑滑晉之邊邑也當是時晉文公喪尚未葬太
子襄公怒曰秦侮我孤因喪破我滑遂墨衰絰發兵遮
秦兵於殽擊之大破秦軍無一人得脫者虜秦三將以
歸文公夫人秦女也集解服虔曰繆公女也為秦三囚將請曰繆
公之怨此三人入於骨髓願令此三人歸令我君得自
快烹之晉君許之歸秦三將三將至繆公素服郊迎嚮
三人哭曰孤以不用百里奚蹇叔言以辱三子三子何

罪乎子其悉心雪恥毋怠遂復三人官秩如故愈益厚

之三十四年楚太子商臣弑其父成王代立繆公於是

復使孟明視等將兵伐晉戰於彭衙

集解杜預曰馮翊郃陽縣西北有衙

城正義括地志云彭衙故城在同州白水縣東北六十里

秦不利引兵歸戎王使由

余

正義戎人姓名

於秦由余其先晉人也亡入戎能晉言聞繆

公賢故使由余觀秦秦繆公示以宮室積聚由余曰使

鬼為之則勞神矣使人為之亦苦民矣繆公怪之問曰

中國以詩書禮樂法度為政然尚時亂今戎夷無此何

以為治不亦難乎由余笑曰此乃中國所以亂也夫自
上聖黃帝作為禮樂法度身以先之僅以小治及其後
世日以驕淫阻法度之威以責督於下下罷極

正義罷
音皮

則以仁義怨望於上上下下交爭怨而相篡弑至於滅宗
皆以此類也夫戎夷不然上含淳德以遇其下下懷忠
信以事其上一國之政猶一身之治不知所以治此真

聖人之治也於是繆公退而問內史廖曰

集解駟案漢
書百官表曰

內史周
官也

孤聞鄰國有聖人敵國之憂也今由余賢寡人

之害將柰之何內史廖曰戎王處辟匿未聞中國之聲

君試遺其女樂以奪其志

集解徐廣曰奪一作狗

為由余請以疏

其間留而莫遣以失其期戎王怪之必疑由余君臣有間乃可虜也且戎王好樂必急於政繆公曰善因與由

余曲席而坐

正義按牀在穆公左右相連而坐謂之曲席也

傳器而食問其地

形與其兵勢盡啓而後令內史廖以女樂二八遺戎王戎王受而說之終年不還於是秦乃歸由余由余數諫不聽繆公又數使人間要由余由余遂去降秦繆公以

客禮禮之問伐戎之形

正義韓國云秦穆公都地方三百里并國十四辟地千里隴西

北地郡是也

三十六年繆公復益厚孟明等使將兵伐晉渡

河焚船大敗晉人取王官及鄠

集解徐廣曰左傳作郊駟案服虔曰此晉地不

能有正義鄠音郊左傳作郊杜預云書取言易也括地志云王官故城在同州澄城縣西北九十里又云南郊故城在縣北十七里又有北郊故城又有西郊古城左傳云文公三年秦伯伐晉濟河焚舟取王官及郊也括地志云蒲州猗氏縣南二里又有王官故城亦秦伯取者上文云秦地東至河蓋猗氏王官是也以報

穀之役晉人皆城守不敢出於是繆公乃自茅津

集解徐廣

曰在大陽正義括地志云茅渡河

正義自茅津南渡河也

封穀中

尸集解賈逵曰封識之正義左傳云秦伯伐晉濟河焚舟晉人不出遂自茅津濟封殽尸而還杜預云封埋

也藏為發喪哭之三日乃誓於軍曰嗟士卒聽無譁余誓

告汝古之人謀黃髮番番

正義音婆字當作皤皤白頭貌言髮白而更黃故云黃髮

番番以申思謂塞叔百里奚也

則無所過以申思不用塞叔百里奚之

謀故作此誓令後世以記余過君子聞之皆為垂涕曰

嗟乎秦繆公之與人周也

集解服虔曰周備也

卒得孟明之慶三

十七年秦用由余謀伐戎王益國十二開地千里遂霸

西戎天子使召公過賀繆公以金鼓三十九年繆公卒

葬雍

集解駟案皇覽曰秦繆公冢在橐泉宮祈年觀下正義廟記云橐泉宮秦孝公造祈年觀德公起蓋

在雍州城內括地志云秦繆公冢在岐州雍縣東南二里從死者百七十七人秦之

良臣子與氏三人

正義毛萇云良善也三善臣也本傳云子車氏之三子杜預云子車秦大

也夫名曰奄息仲行鍼虎亦在從死之中

正義行音胡郎反鍼音其廉反

應劭云秦穆公與羣臣飲酒酣公曰生共此樂死共此哀於是奄息仲行鍼虎許諾及公薨皆從死黃鳥詩所為作也杜預云以人葬為殉也括地志云三良冢在岐州雍縣一里故城內秦人哀之為作

歌黃鳥之詩君子曰秦繆公廣地益國東服彊晉西霸

戎夷然不為諸侯盟主亦宜哉死而弃民收其良臣而

從死且先王崩尚猶遺德垂法況奪之善人良臣百姓所哀者乎是以知秦不能復東征也穆公子四十人其太子瑩代立是為康公康公元年往歲繆公之卒晉襄公亦卒襄公之弟名雍秦出也

正義雍母秦女故言秦出也

在秦晉

趙盾欲立之使隨會

正義韓昭云晉正卿士蒍之孫成伯之子季武子也食采於隨范故

曰隨會或曰范會季范子字也

來迎雍秦以兵送至令狐

集解杜預曰在河東正義

令音零括地志云令狐故城在蒲州猗氏縣界十五里也

晉立襄公子而反擊秦師

秦師敗隨會來奔二年秦伐晉於武城

正義括地志云故武城一名武

平城在華州鄭縣東北十三里也

報令狐之役四年晉伐秦取少梁

正義

前入秦後歸晉今秦又取之

六年秦伐晉取羈馬

集解服虔曰晉邑也

戰於河

曲大敗晉軍晉人患隨會在秦為亂乃使魏讐餘詳反

集解服虔曰晉之魏邑大夫正義讐音受又作犇音同詳音羊

合謀會詐而得會會遂

歸晉康公立十二年卒子共公立

索隱名獬十代至靈公又並失名

共

公二年晉趙穿弑其君靈公三年楚莊王彊北兵至雒

問周鼎共公立五年卒子桓公立桓公三年晉敗我一

將十年楚莊王服鄭北敗晉兵於河上當是之時楚霸

為會盟合諸侯二十四年晉厲公初立與秦桓公夾河而盟歸而秦倍盟與翟合謀擊晉二十六年晉率諸侯伐秦秦軍敗走追至涇而還桓公立二十七年卒子景

公立

集解徐廣曰世本云景公名后伯車也索隱景公已下名又錯亂始皇本紀作哀公

景公四

年晉欒書弑其君厲公十五年救鄭敗晉兵於櫟

集解杜預

曰晉地也正義櫟音歷括地志云洛州陽翟縣古櫟邑也

是時晉悼公為盟主十八

年晉悼公彊數會諸侯率以伐秦敗秦軍秦軍走晉兵

追之遂渡涇至棧林而還

集解徐廣曰棧音域駟案杜預曰秦地也

二十七

年景公如晉與平公盟已而背之三十六年楚公子圍

弑其君而自立是為靈王景公母弟后子鍼正義音鉗有寵

景公母弟富或譖之恐誅乃奔晉車重千乘晉平公曰

后子富如此何以自亡對曰秦公無道畏誅欲待其後

世乃歸三十九年楚靈王彊會諸侯於申正義在鄧州南陽縣三十

里為盟主殺齊慶封景公立四十年卒子哀公立索隱始皇

本紀作后子復來歸秦哀公八年楚公子棄疾弑靈王

而自立是為平王十一年楚平王來求秦女為太子建

妻至國女好而自娶之十五年楚平王欲誅建建亡

正義

太子建亡之鄭鄭殺之

伍子胥奔吳晉公室卑而六卿彊欲內相

攻是以久秦晉不相攻三十一年吳王闔閭與伍子胥

伐楚楚王亡奔隨吳遂入郢楚大夫申包胥來告急

正義

包胥姓公孫封於申故號申包胥左傳云申包胥如秦乞師曰吳為封豕長蛇以荐食上國虐始於楚寡君失

守社稷越在草莽使下臣告急曰夷德無厭若鄰於君疆場之患也逮吳之未定君其取分焉若楚之遂亡君

之土也若以君靈撫之世以事君

七日不食日夜哭泣

正義左傳云申包胥對秦伯曰

寡君越在草莽未獲所伏下臣何敢即安立依於庭牆而哭日夜不絕聲勺飲不入口七日秦哀公為賦無衣

九頓首而坐於是秦乃發五百乘救楚

正義左傳魯定公五年秦子蒲

秦師乃出子虎帥車五百乘以救楚敗吳師於軍祥敗吳師吳師歸楚昭王乃得復入

郢哀公立三十六年卒太子夷公夷公蚤死不得立立

夷公子是為惠公元年孔子行魯相事五年晉卿

中行范氏反晉晉使智氏趙簡子攻之范中行氏亡奔

齊惠公立十年卒子悼公立悼公二年齊臣田乞弑其

君孺子立其兄陽生為悼公六年吳敗齊師齊人弑悼

公立其子簡公九年晉定公與吳王夫差盟爭長於黃

池卒先吳

集解徐廣曰外傳云吳王先歿

吳彊陵中國十二年齊田常

弑簡公立其弟平公常相之十三年楚滅陳秦悼公立

十四年卒子厲共公立孔子以悼公十二年卒厲共公

二年蜀人來賂十六年澠河旁以兵二萬伐大荔取其

王城

集解徐廣曰今之臨晉也臨晉有王城正義荔音戾括地志云同州東三十里朝邑縣東三十步故

王城大荔

二十一年初縣頻陽

集解駉案地理志馮翊有頻陽縣正義括地志

云頻陽故城在雍州同官縣界古頻陽縣城也

晉取武成二十四年晉亂殺智

伯分其國與趙韓魏二十五年智開與邑人來奔

集解徐廣

曰一本二十六年城南鄭也正義開智伯子伯被趙襄子等滅其國其子與從屬來奔秦三十三

伐義渠虜其王

集解應劭曰義渠北地也正義括地志云寧慶二州春秋及戰國時為義渠戎

國之三十四年日食厲共公卒子躁公立躁公二年南

鄭反

正義南鄭今梁州所理縣也春秋及戰國時其地屬於楚也

十三年義渠來伐

至渭南十四年躁公卒立其弟懷公

索隱厲共公子也生昭太子未立而

卒太子之子

懷公四年庶長毚

正義長丁文反毚竹遙反毚人名也劉伯莊音

潮與大臣圍懷公懷公自殺懷公太子曰昭子蚤死大

臣乃立太子昭子之子是為靈公

索隱生獻公也

靈公懷公孫

也靈公六年晉城少梁秦擊之十三年城籍姑

正義括地志云

籍姑故城在同州韓城縣北三十五里

靈公卒子獻公不得立

索隱獻公名師隰

立靈公季父悼子是為簡公簡公昭子之弟而懷公子

也

索隱簡公懷公弟靈公季父也子惠公立始皇本紀云靈公生簡公誤也又紀年云簡公九年卒次敬公

立十二年卒乃立惠公正義劉伯莊云簡公是昭子之弟懷公之子厲公之孫今史記謂簡公是厲公子者抄

寫之

簡公六年令吏初帶劍

正義春秋官吏各得帶劍

漸洛城重泉

集解駟案地理志重泉縣屬馮翊正義重直龍反括地志云重泉故城在同州蒲城縣東南四十五里也

六年卒

集解徐廣曰表云十五年也

子惠公立惠公十二年子出子

生十三年伐蜀取南鄭惠公卒出子立出子二年庶長

改迎靈公之子獻公于河西而立之

正義西者秦州西縣秦之舊地時獻

公在西縣故迎立之

殺出子及其母沈之淵旁秦以往者數易君

君臣乖亂故晉復彊奪秦河西地

正義奪前所上八城也

獻公元

年

集解徐廣曰丁酉

止從死二年城櫟陽

集解徐廣曰徙都之今萬年是也正義括

地志云櫟陽故城一名萬年城在雍州東北百二十里櫟陽漢七年分櫟陽城內為萬年縣隋文帝開皇三年

遷都于龍首川今京城也改萬年為大興縣至唐武德元年又改曰萬年置在州東七里

四年正月

庚寅孝公生十一年周太史儋見獻公曰周故與秦國

合而別別五百歲復合合七十七歲而霸王出十六年

桃冬花十八年雨金櫟陽

正義言兩金於秦國都明金瑞見也

二十一年

與晉戰於石門

正義括地志云堯門山俗名石門在雍州三原縣西北三十三里上有路其狀

若門故老云堯鑿山為門因名之武德年中於此山南置石門縣貞觀年中改為雲陽縣斬首六萬

天子賀以黼黻

集解駟案周禮曰白與黑謂之黼黑與青謂之黻

二十三年與

魏晉戰少梁虜其將公孫痤

正義座在戈反

二十四年獻公卒

集解徐廣曰表云二十三年

子孝公立

索隱名渠梁

年已二十一歲矣孝

公元年

集解徐廣曰庚申也

河山以東疆國六與齊威楚宣魏惠

燕悼韓哀趙成侯並淮泗之間

正義並白浪反謂淮泗二水

小國十

餘楚魏與秦接界

正義楚北及魏西與秦相接北自梁州漢中郡南有巴渝過江南有黔中

巫郡也魏西界與秦相接南自華州鄭縣西北過渭水濱洛水東岸向北有上郡鄜州之地皆築長城以界秦

境洛即漆沮水也

魏築長城自鄭濱洛以北有上郡楚自漢中

南有巴黔中周室微諸侯力政爭相併秦僻在雍州不

與中國諸侯之會盟夷翟遇之孝公於是布惠振孤寡

招戰士明功賞下令國中曰昔我穆公自岐雍之間修

德行武東平晉亂以河為界

正義即龍門河也

西霸戎翟廣地

千里天子致伯諸侯畢賀為後世開業甚光美會往者

厲躁簡公出子之不寧國家內憂未遑外事三晉攻奪

我先君河西地諸侯卑秦醜莫大焉獻公即位鎮撫邊

境徙治櫟陽且欲東伐復穆公之故地修穆公之政令

寡人思念先君之意常痛於心賓客羣臣有能出奇計

彊秦者吾且尊官與之分土於是乃出兵東圍陝城西

斬戎之獮王

集解駟案地理志天水有獮道縣應劭曰獮戎邑音桓

衛鞅聞是令

下西入秦因景監

正義監甲暫反閭人也

求見孝公二年天子致

昨三年衛鞅說孝公變法修刑內務耕稼外勸戰死之

賞罰孝公善之甘龍杜摯等弗然相與爭之卒用鞅法

百姓苦之居三年百姓便之乃拜鞅為左庶長其事在

商君語中七年與魏惠王會杜平正義在同州澄城縣界也八年與

魏戰元里正義祁城在同州澄城縣界有功十年衛鞅為大良造將

兵圍魏安邑降之集解駟案地理志曰河東有安邑縣正義括地志云安邑故城在絳州夏

縣東北十五里本夏之都十二年作為咸陽正義括地志云咸陽故城亦名渭城在雍州咸

陽縣東十五里京城北四十五里即秦公築冀闕正義徙都之者今咸陽縣古之杜郵白起死處劉伯

莊云冀猶記事
闕即象魏也

秦徙都之并諸小鄉聚

正義萬二千五百家為鄉聚猶

村落之類也

集為大縣縣一令

集解駟案漢書百官表曰縣令長皆秦官萬戶以上為令

秩千石至六百石減萬戶為長
秩五百石至三百石皆有丞尉

四十一縣為田開阡陌

索隱風俗通曰南北曰阡東西曰陌
河東以東西為阡南北為陌

東地渡洛十四年初

為賦

集解徐廣曰制貢賦之法也
索隱燕周云初為軍賦也

十九年天子致伯

正義

伯音霸又如字孝公十九年天子始封爵為霸即太史
儋云合七十七歲而霸王出之年故天子致伯桓譚新
論云夫上古稱三皇五帝而次有三王五伯此天下君
之冠首也故言三皇以道理而五帝用德化三王由仁
義五伯以權智其說之曰無制令刑罰謂之皇有制令
而無刑罰謂之帝賞善誅惡諸侯朝事謂之王興兵約

盟以信義矯
世謂之伯

二十年諸侯畢賀秦使公子少官率師會

諸侯逢澤

集解徐廣曰開封東北有逢澤正義括地志云逢澤亦名逢池在汴州浚儀縣東南十四

里朝天子二十一年齊敗魏馬陵

正義虞喜志林云濮州甄城縣東北六十

餘里有馬陵澗谷深可以置伏按龐涓敗即此也

二十二年衛鞅擊魏虜魏公

子卬封鞅為列侯號商君

正義商州商洛縣在州東八十九里鞅所封也契所封地

二十四年與晉戰鴈門

索隱紀年云與魏戰岸門此云鴈門恐聲誤也又下云敗韓岸

門蓋一地也尋秦與韓魏戰不當遠至鴈門也正義括地志云岸門在許州長社縣西北二十八里今名西武

亭虜其將魏錯

正義七故反

孝公卒子惠文君立

索隱名駟

是歲

誅衛鞅鞅之初為秦施法

正義為于偽反

法不行太子犯禁鞅

曰法之不行自於貴戚君必欲行法先於太子太子不

可黥黥其傅師於是法大用秦人治及孝公卒太子立

宗室多怨鞅鞅亡因以為反而卒車裂以徇秦國

集解案

漢書曰商君為法於秦戰斬一首賜爵一級欲為官者

五千石其爵名一為公士二上造三簪褭四不更五大

夫六公大夫七官大夫八公乘九五大夫十左庶長十

一右庶長十二左更十三中更十四右更十五上造

十六大上造十七駟車庶長十八

大庶長十九關內侯二十徹侯

惠文君元年楚韓趙

蜀人來朝二年天子賀三年王冠

正義冠音館禮記云

年二十行冠禮也

四年天子致文武胙齊魏為王

索隱齊威王魏惠王

五年陰晉人

犀首

正義犀音西地理志云華陰縣故陰晉秦惠王五年更名寧秦高祖八年更名華陰

為大良

造

集解駟案犀首官名姓公孫名衍索隱官名若虎牙之類姓公孫名衍魏人也

六年魏納陰

晉陰晉更名寧秦

集解徐廣曰今之華陰也

七年公子卬與魏戰虜

其將龍賈斬首八萬八年魏納河西地九年渡河取汾

陰皮氏

集解駟按地理志云二縣屬河東正義渡河東取之括地志云汾陰故城俗名殷湯城在蒲州

汾陰縣北也皮氏在絳州龍門縣

與魏王會應

正義應乙陵反

括地志云故應城因應山為名古之應國在汝州

圍焦

欽定四庫全書

史記

三十一

降之

正義括地志云焦城在陝州城內東北百步因焦水為名周同姓所封左傳云虞虢焦滑霍陽韓魏

皆姬姓也杜預云八國皆為晉所滅按武王克商封神農之後于焦而後封姬姓也

十年張儀相

秦魏納上郡十五縣

正義今鄜綏等州也魏前納陰晉次納同丹二州今納上郡而盡河

西濱洛之地矣

十一年縣義渠

正義地理志云北地郡義渠道秦縣也括地志云寧原慶三州

秦北地郡戰國及春秋時為義渠戎國之地周先公劉不窋居之古西戎也

歸魏焦曲沃

正義

括地志云曲沃在陝州縣西南三十二里因曲沃水為名按焦曲沃二城相近本魏地適屬秦今還魏故言歸

也義渠君為臣更名少梁曰夏陽十二年

初臘

正義臘盧盍反

十二月臘日也秦惠文王始效中國為之故云初臘獵禽獸以歲終祭先祖因立此日也風俗通云禮傳云夏

曰嘉平殷曰清祀周曰蜡漢改曰臘禮曰天子大蜡八
伊耆氏始為蜡蜡者索也歲十二月合聚萬物而索饗
之十三年四月戊午魏君為王韓亦為王正義魏襄王
韓宣惠王也

使張儀伐取陝出其人與魏十四年更為元年二年張

儀與齊楚大臣會齧桑三年韓魏太子來朝張儀相魏

五年王游至北河

集解徐廣曰戎地在河上正義按
王游觀北河至靈夏州之黃河也七

年樂池相秦

正義樂音岳池徒
何反裴氏音池

韓趙魏燕齊帥匈奴共

攻秦秦使庶長疾與戰修魚虜其將申差

正義修魚韓
邑也年表云

秦敗我修魚得
韓將鯁申差

敗趙公子渴韓太子奐斬首八萬二千

八年張儀復相秦九年司馬錯伐蜀滅之

索隱蜀西南夷舊有君長

故昌意娶蜀山氏女也其後有杜宇自立為王號曰望帝蜀王元年秦惠本紀曰張儀伐蜀蜀王開戰不勝為

儀所滅也

伐取趙中都西陽

集解駟案地理志太原有中都故縣在

汾州平遙縣西十二里即西都也西陽即中陽也在汾州隰城縣南十里地理志云西都中陽屬西河郡此云

伐取趙中都西陽趙世家云秦即取我西都及中陽年表云秦惠文王後元九年取趙中都西陽安邑趙武靈

王十年秦取中都安陽本紀世家年表其縣名異年歲實同所伐唯一處故具錄之以示後學十年韓

太子蒼來質伐取韓石章

正義韓地名也

伐敗趙將泥

集解徐廣曰將

一作莊正義趙將名也

伐取義渠二十五城十一年擣里疾攻魏

焦降之敗韓岸門斬首萬其將犀首走公子通封於蜀

集解徐廣曰是歲王赧元年索隱華陽國志曰赧王元年秦惠王封子通國為蜀侯以陳莊為相徐廣所云亦據國志燕君讓其臣子之十二年王與梁王會臨晉庶

長疾攻趙虜趙將莊張儀相楚十三年庶長章擊楚於

丹陽虜其將屈匄斬首八萬又攻楚漢中取地六百里

置漢中郡楚圍雍氏秦使庶長疾助韓而東攻齊到滿

助魏攻燕

正義滿或作蒲秦將姓名也

十四年伐楚取召陵丹犁臣

蜀

正義二戎號也臣伏於蜀蜀相殺蜀侯并丹犁二國降秦在蜀西南姚府管內本西南夷戰國時蜀滇國

唐初置犂州丹州也

相壯

集解徐廣曰一作狀

殺蜀侯來降惠王卒子武王

立

索隱名蕩

韓魏齊楚越

集解徐廣曰一作趙

皆賓從武王元年與魏

惠王會臨晉

集解徐廣曰表云哀王正義按魏惠王卒已二十五年矣

誅蜀相壯張

儀魏章皆東出之魏伐義渠丹犂二年初置丞相

集解應劭

曰丞者承也相者助也

擣里疾甘茂為左右丞相張儀死於魏三

年與韓襄王會臨晉外

正義外謂臨晉城外外字一作水

南公揭卒擣

里疾相韓武王謂甘茂曰寡人欲容車通三川窺周室

死不恨矣其秋使甘茂庶長封伐宜陽

正義在河南府福昌縣東故韓

城是也此韓之大郡伐取之三川路乃通也

四年拔宜陽斬首六萬涉河城

武遂

集解徐廣曰韓邑也正義按此邑本屬韓近平陽韓世家云貞子居平陽九世至哀侯徙鄭楚世家

云而韓猶服事秦者以先王墓在平陽魏太子來朝武而秦之武遂去之七十里故知近平陽

王有力好戲力士任鄙烏獲孟說皆至大官王與孟說

舉鼎絕臄

集解徐廣曰一作脉正義臄音頻忍反絕斷也臄脛骨也

八月武王死

集解

駟案皇覽曰秦武王冢在扶風安陵縣西北畢陌中大冢是也人以為周文王冢非也周文王冢在杜中正義括地志云秦悼武王陵在雍州咸陽縣西北十五里也族孟說武王取魏女為后

無子立異母弟是為昭襄王

索隱名則一名稷武王弟

昭襄母楚人

姓芊氏號宣太后武王死時昭襄王為質於燕燕人送

歸得立昭襄王元年嚴君疾為相

正義蓋封蜀郡嚴道縣因號嚴君疾名也

甘茂出之魏二年彗星見

正義彗似歲反又先到反

庶長壯與大臣

諸侯公子為逆皆誅及惠文后皆不得良死

集解徐廣曰迎婦於

楚悼武王后出歸魏三年王冠與楚王會黃棘

正義棘紀力反

蓋在房裏二州也

與楚上庸

集解駟案地理志漢中有上庸縣正義括地志云上庸今房州竹山

縣及金州是也

四年取蒲坂

正義括地志云蒲坂故城在蒲州河東縣南堯舜所都也

彗星

見五年魏王來朝應亭

集解徐廣曰魏世家云會臨晉正義應音乙陵反

復與

魏蒲坂六年蜀侯輝反

索隱輝音暉華陽國志曰秦封王子暉為蜀侯蜀侯祭歸昨於

王後母疾之加毒以進王大怒使司馬錯賜暉劍此輝不同也司馬錯定蜀庶長負伐

楚斬首二萬涇陽君質於齊

索隱名市

日食晝晦七年拔新

城

正義楚世家云懷王二十九年秦復伐楚大破楚軍楚軍死二萬殺我將軍景缺年表云秦敗我襄城殺

景缺括地志云許州襄城縣即古新城縣也按世家年表則新字誤作襄字

擄里子卒八年

使將軍芊戎攻楚取新市

集解駟按晉帝紀曰江夏有新市縣

齊使章子

魏使公孫喜韓使暴鳶共攻楚方城取唐昧

索隱暴鳶韓將姓名

趙破中山其君亡竟死齊魏公子勁韓公子長為諸侯

索隱別封之邑比之諸侯猶商君趙長安君然九年孟嘗君薛文來相秦負攻

楚取八城殺其將景缺十年楚懷王入朝秦秦留之薛

文以金受免正義金受秦丞相姓名免奪其丞相樓緩為丞相十一年齊

韓魏趙宋中山五國共攻秦正義蓋中山此時屬趙故云五國也至鹽氏

而還集解徐廣曰鹽一作監正義括地志云鹽故城一名司鹽城在蒲州安邑縣按掌鹽池之官因稱氏

秦與韓魏河北及封陵以和正義年表云秦與魏封陵與韓武遂以和按河外陝

號曲沃等地封陵在古蒲坂縣西南河曲之中武遂平陽地也彗星見楚懷王走之趙

趙不受還之秦即死歸葬十二年樓緩免穰侯魏冉為

相

正義括地志云穰鄧州所理縣即古穰侯國

予楚粟五萬石十三年向壽

伐韓取武始

集解駢案地理志魏郡有武始縣正義括地志云武始故城在洛州武始縣西南十

里左更白起攻新城

正義白起傳云白起為左庶長將兵擊韓之新城括地志云洛州伊

關縣本是漢新城縣隋文帝改為伊闕在洛州南七十里

五大夫禮出亡奔魏任鄙

為漢中守

集解駢案漢書百官表曰郡守秦官

十四年左更白起攻韓魏

於伊闕

正義括地志云伊闕在洛州南十九里注水經云昔大禹疏龍門以通水兩山相對望之若闕

伊水歷其間故謂之伊闕按今洛南猶謂之龍門也

斬首二十四萬虜公孫喜拔

五城十五年大良造白起攻魏取垣復予之

正義垣音袁前秦取

蒲坂復以蒲坂與魏魏以為垣今又攻楚取宛十六年

左更錯取軹及鄧

集解駟案地理志河南有軹縣南陽有鄧縣正義括地志云故軹城在懷

州濟源縣東南十三里故鄧城在懷州河陽縣西三十一里並六國時魏邑也按二城相連故云及也

免封公子市宛公子悝鄧

索隱悝號高陵君初魏冉陶封於彭昭襄王弟也

為諸侯十七年城陽君入朝

正義括地志云濮州雷澤縣本漢郟陽縣古郟伯姬

姓之國周武王封弟季載於郟其後遷城之陽也

及東周君來朝秦以垣為蒲

坂皮氏

索隱為當為易蓋字訛也正義蒲坂今河東縣也皮氏故城在絳州龍門縣西一里八十步

王之宜陽十八年錯攻垣

正義蓋蒲坂皮氏又歸魏魏復以為垣今重攻取之也

河雍決橋取之

集解徐廣曰汲冢紀年云魏哀王二十四年改宜陽曰河雍改向曰高平向在

軹之西

十九年王為西帝齊為東帝皆復去之呂禮來自

歸齊破宋宋王在魏死溫任鄙卒二十年

集解徐廣曰秦地有父馬

生駒王之漢中又之上郡北河二十一年

集解徐廣曰有壯馬生牛而死

錯攻魏河內魏獻安邑秦出其人募徙河東賜爵赦罪

人遷之涇陽君封宛二十二年蒙武伐齊河東為九縣

與楚王會宛與趙王會中陽

集解駉案地理志西河有中陽縣

二十三

年尉斯離

正義尉都尉斯離名也

與三晉燕伐齊

索隱尉秦官破斯離其姓名

之濟西王與魏王會宜陽與韓王會新城二十四年與

楚王會鄢

正義鄢於建反又音偃括地志云故偃城在襄州安養縣北三里古偃子之國

又會

穰秦取魏安城

集解駟案地理志云汝南有安城縣正義括地志云安城在豫州汝陽縣東南

十七里

至大梁燕趙救之秦軍去魏冉免相二十五年拔

趙二城與韓王會新城與魏王會新明邑二十六年赦

罪人遷之穰侯冉復相二十七年錯攻楚赦罪人遷之

南陽

正義南陽及上遷之穰皆今鄧州也

白起攻趙取代光狼城

正義括地志云

光狼故城在澤州高平縣西二十里

又使司馬錯發隴西因蜀攻楚黔中

正義今黔府也援之二十八年大良造白起攻楚取鄢鄧正義鄢鄧

二城並在襄州赦罪人遷之二十九年大良造白起攻楚取郢

為南郡正義括地志云郢城在荊州江陵縣東北六里楚平王築都之地也楚王走周君

來王與楚王會襄陵集解駟案地理志河東有襄陵縣正義括地志云襄陵在晉州臨汾

縣東南三十五里閼駟十三州志云襄陵晉大夫犇邑也白起為武安君正義言能撫養軍士

戰必剋得百姓安集故號武安故城在潞州武安縣西南五十里七國時趙邑即趙奢救閼與處也三十

年蜀守若伐取巫郡正義華陽國志張若為蜀中郡守括地志云巫郡在夔州東百里

及江南為黔中郡正義括地志云黔中故城在辰州沅陵縣西二十里江南今黔府亦其地

也三十一年白起伐魏取兩城楚人反我江南

正義中郡反

歸三十二年相穰侯攻魏至大梁破暴鳶斬首四萬鳶

走魏入三縣請和三十三年客卿胡傷攻魏卷

集解駢案地理

志河南有卷縣正義卷音丘袁反括地志云故卷城在鄭州原武縣西北即衡雍也

蔡陽長社取

之

集解駢案地理志潁川有長社縣正義括地志云蔡陽今豫州上蔡水之陽古城在豫州北七十里長社

故城在許州長社縣西一里皆魏邑也

擊芒卯華陽破之

集解司馬彪曰華陽亭名在密

縣索隱芒卯魏將譙周云孟卯也正義括地志云故華城在鄭州管城縣南三十里國語云史伯對鄭桓公虢

鄆十邑華其一也華陽即此城也按斬首十五萬魏入是時韓趙聚兵于華陽攻秦即此矣

南陽以和

集解徐廣曰河內修武古曰南陽秦始皇更名河內屬魏地荆州之南陽郡本屬韓地正

義括地志云懷獲嘉縣即古之南陽杜預云在晉州山南河北故曰南陽秦破芒卯軍斬首十五萬魏入南陽

以三十四年秦與魏韓上庸地為一郡南陽免臣遷居

之三十五年佐韓魏楚伐燕初置南陽郡

正義今鄧州也前已屬秦

秦置南陽郡在漢水之北釋名云在中國之南舊名陽地故以為名焉張衡南都賦云陪京之南居漢之陽

三十六年客卿竈攻齊取剛壽

正義括地志云故剛城在兗州襲丘縣界壽鄆

州之縣

予穰侯三十八年中更胡傷攻趙閼與

集解孟康曰音焉與

邑名在上黨涅縣西正義闕於達反與音預閼與聚城一名烏蘇城在潞州銅鞮縣西北二十里趙奢破秦軍

處又儀州和順縣即古閭與城亦云趙奢破秦軍處然
儀州與潞州相近二所未詳又閭與山在潞州武安縣
西南五十里趙奢拒秦軍於閭與即山北也按閭與山
在武安故城西南又近武安故城蓋儀州是所封故地

不能取四十年悼太子死魏歸葬芷陽

集解徐廣曰今霸陵正義括地

志云芷陽在雍州藍田縣西六里三秦記云鹿原東有霸川之西坂故芷陽也

四十一年夏攻

魏取邢丘懷

集解徐廣曰邢丘在平臯駟案韓詩外傳武王代紂到于邢丘勒兵於甯更名邢丘

曰懷甯曰修武正義括地志云平臯故城本邢丘邑漢置平臯縣在懷州武德縣東南二十里故懷城周之懷

邑在懷州武陟縣西十一里

四十二年安國君為太子十月宣太后

薨

集解徐廣曰羊氏

葬芷陽酈山

正義酈力知反在雍州新豐縣南十四里也

九月

穰侯出之陶四十三年武安君白起攻韓拔九城斬首

五萬四十四年攻韓南郡取之四十五年五大夫賁

正義

音奔五大夫官疑賁名也

攻韓取十城葉陽君

集解一云華陽正義葉車涉反

惲出

之國未至而死四十七年秦攻韓上黨上黨降趙秦因

攻趙趙發兵擊秦相距秦使武安君白起擊大破趙於

長平四十餘萬盡殺之四十八年十月韓獻垣雍

集解司馬

彪曰河南卷縣有垣雍城

秦軍分為三軍武安君歸王齕將伐趙武

安皮牢拔之司馬梗北定太原盡有韓上黨正月兵罷

復守上黨其十月五大夫陵攻趙邯鄲四十九年正月

益發卒佐陵陵戰不善免王齕代將其十月將軍張唐

攻魏為蔡尉捐弗守

正義為于偽反蔡姓尉名

還斬之五十年十月

武安君白起有罪為士伍遷陰密

集解如淳曰嘗有爵而以罪奪爵皆稱士

伍正義括地志云陰密故城在涇州鶉觚縣西即古密須國也

張唐攻鄭拔之十二月

益發卒軍汾城旁

正義括地志云臨汾故城在絳州正平縣東北二十五里即古臨汾縣城

也按汾城即此城是也

武安君白起有罪死齕攻邯鄲不拔去還

奔汾軍二月餘攻晉軍斬首六千晉楚流死河二萬人

集解徐廣曰楚一作走正義
按此時無楚軍走字是也
攻汾城即從唐拔寧新中

集解徐廣曰一作曼此趙邑也正義唐今晉州平陽堯
都也括地志云寧新中七國時魏邑秦昭襄王拔魏寧

新中更名安陽城即
寧新中更名安陽
集解徐廣曰魏
今相州外城是也
郡有安陽縣正

義今相州外
城古安陽城
初作河橋
正義此橋在同州臨晉縣東
渡河至蒲州今蒲津橋也
五

十一年將軍摎攻韓取陽城負黍
正義今河南府縣也
負黍亭在陽城縣西

南三十五里本周
邑亦時屬韓也
斬首四萬攻趙取二十餘縣首虜九

萬西周君
正義
武公
背秦與諸侯約從將天下銳兵出伊闕

攻秦令秦毋得通陽城於是秦使將軍摎攻西周西周

君走來自歸頓首受罪盡獻其邑三十六城口三萬秦

王受獻歸其君於周五十二年周民東亡其器九鼎入

秦

正義器謂寶器也禹貢金九牧鑄鼎於荆山下各象九州之物歷殷至周赧王十九年秦昭王取九鼎然

一飛入泗水餘

周初亡五十三年天下來賓魏後秦使

摎伐魏取吳城

集解徐廣曰在大陽正義括地志云虞城故城在陝州河北縣東北五十里虞

山之上亦名吳山周武王封弟虞仲於周之北故夏墟吳城即此城也

韓王入朝魏委國

聽令五十四年王郊見上帝於雍五十六年秋昭襄王

卒子孝文王立

索隱名柱五十三而立立一年卒葬壽陵子莊襄王

尊唐八子為

唐太后

集解徐廣曰八子者妾媵之號姓唐正義孝文王之母也先死故尊之晉灼云除皇后自昭儀

以下秩至百石凡十四等漢書外戚傳云八子視千石比中更而合其葬於先王

正義以其

母唐太后與昭王合葬

韓王衰經入弔祠諸侯皆使其將相來弔

祠視喪事孝文王元年赦罪人修先王功臣褒厚親戚

弛苑囿孝文王除喪十月己亥即位三日辛丑卒子莊

襄王立

索隱名子楚三十二而立立四年卒葬陽陵子始皇帝

莊襄王元年大赦

罪人修先王功臣施德厚骨肉而布惠於民東周君與

諸侯謀秦秦使相國呂不韋誅之盡入其國秦不絕其

祀以陽人地

集解駟案地理志河南梁縣有陽人聚

賜周君奉其祭祀使

蒙騫伐韓韓獻成臯鞏

正義括地志云洛州汜水縣古之號國亦鄭之制邑又名虎牢

漢之成臯鞏恭勇反今洛州鞏縣爾時秦滅東周韓亦得其地又獻於秦

秦界至大梁初置

三川郡

集解韋昭曰有河洛伊故曰三川駟案地理志漢高祖更名河南郡

二年使蒙騫

攻趙定太原三年蒙騫攻魏高都汲

集解徐廣曰一作汲波波縣亦在河內

正義汲音急括地志云高都故城今澤州是汲故城在衛州所理汲縣西南二十五里孟康云漢汲縣今郿城

是也括地志云故郿城在懷州河內縣西十二里左傳云蘓忿生十二邑郿其一也

拔之攻趙

榆次新城狼孟

正義括地志云榆次并州縣即古榆次地也新城一名小平城在朔州善陽縣

西南四十七里狼孟故城在并州陽曲縣東北
取三十

七城四月日食四年王翦攻上黨正義上黨又反秦故攻之初置太

原郡

正義上黨以北皆太原地即上三十七城也

魏將無忌率五國兵擊秦

正義信陵君也率燕趙韓楚魏之兵擊秦也

秦郤於河外

正義蒙騫被五國兵敗遂解而却至

於河外河外陝華二州也

蒙騫敗解而去五月丙午莊襄王卒子政

立是為秦始皇帝

索隱十三而立立三十七年崩葬鄠邑子二世皇帝

秦王政立

二十六年初并天下為三十六郡號為始皇帝始皇帝

五十一年而崩子胡亥立是為二世皇帝

索隱十二而立紀云二十

一立三年葬宜春秦自襄公至二世凡六百一十七歲此實本紀而注別舉之以非本文耳

三年諸

侯並起叛秦趙高殺二世立子嬰子嬰立月餘諸侯誅之遂滅秦其語在始皇本紀中

太史公曰秦之先為嬴姓其後分封以國為姓有徐氏

鄭氏莒氏終黎氏

集解徐廣曰世本作鍾離應劭曰氏姓注云有姓終黎者是也


運奄

氏菟裘氏將梁氏黃氏江氏修魚氏白冥氏蜚廉氏秦

氏然秦以其先造父封趙城為趙氏

索隱述贊曰栢翳佐舜皂游是旌蜚廉事紂石埴斯營造父善馭封之趙城非子息馬厥號秦嬴禮樂射

御西垂有聲襄公救周始命列國金祠白帝龍祚水
德祥應陳寶妖除豐特里奚致霸衛鞅任刻厥后吞
并卒成
山慝



史記卷五

史記卷五考證

秦本紀○

臣德齡

按殷周之興以先世積德始皇之帝

則以先世積強所致太史公作殷周本紀皆推原先
世功德以昭一代之統系至秦則分而二之曰秦本
紀曰始皇本紀其褒貶之意顯然或曰秦與始皇分
紀所以別嬴呂也其論雖纖理亦不誣

惡來革者蜚廉子也早死○余有丁曰惡來革者豈即
惡來耶但不宜復曰蜚廉子既為武王誅死又不宜

曰蚤死

臣照

按史遷紀秦趙之同出蜚廉上文云蜚

廉復有子曰季勝季勝之後為趙乃云惡來革者蜚
廉子也言子則宜為嗣者也大宗也言蚤死則宜若
無子矣而有子曰女防其後為秦且言為武王所誅
時年尚少也余有丁之議過矣

平王封襄公為諸侯賜之岐以西之地。○毛詩秦風疏
孔穎達云本紀曰賜襄公岐以西之地襄公生文公
於是文公遂收周餘民有之地至岐岐以東獻之周

如本紀之言則襄公所得自岐以西如以鄭言橫有
西都八百里之地則是全得西畿言與本紀異者按
終南之山在岐之東南大夫之戒襄公已引終南為
喻則襄公亦得岐東非唯自岐以西也即如本紀之
言文公收周餘民又獻岐東於周則秦之東境終不
過岐而春秋之時秦境東至於河襄公已後更無功
德之君復是何世得之也明襄公救周即得之矣本
紀之言不可信也

十三年齊人管至父連稱等殺其君襄公。○左傳弑襄公。秦武十二年事立齊桓公。秦武十三年事與年表同。與此異。

晉滅霍魏耿。○晉世家獻公之十六年滅霍魏耿。據年表是年為秦成之三年。此作武公十三年。相隔二十四年。

梁伯芮伯來朝正義。今按州芮城縣界有芮國城。○州上脫一字。唐書地理志芮城縣武德初屬芮州。貞觀

時屬陝州當是陝字

既虜百里奚以為秦繆公夫人媵於秦。○困學紀聞曰
朱文公曰按左氏媵秦穆姬者乃井伯非百里奚也
太原閻若璩曰按孟子言百里奚先去虞自不至為
晉所虜益知井伯者另一人且史載繆公四年乙丑
迎婦于晉左傳僖五年丙寅以媵秦繆姬亦差一年
太子申生死新城。○僖四年左傳十二月戊申縊于新
城是年據年表為秦繆之四年此入於五年後

十二年齊管仲隰朋死。○齊世家秦穆公虜晉惠公復歸之。是歲管仲隰朋卒。據年表是年為秦穆之十五年也。此入于十二年。

晉旱來請粟。○僖十三年左傳冬晉荐饑使乞糴于秦。據年表是年為繆公之十三年。此入于十二年。

十八年齊桓公卒。○春秋經僖十七年冬十有二月乙亥齊侯小白卒。是年于秦穆亦為十七年。

二十年秦滅梁芮。○僖十九年左傳秦遂取梁。年表亦

載入秦繆十九年與傳同

使百里奚子孟明視蹇叔子西乞術及白乙丙將○呂氏春秋蹇叔有子曰申與視與師偕行高誘注曰申白乙丙也視孟明視也左傳疏曰世族譜以百里孟明視為百里奚之子則姓百里名視字孟明也古人之言名字者皆先字後名而連言之其術丙必是名西乞白乙或字或氏不可明也或以為西乞術白乙丙為蹇叔子按傳稱蹇叔之子與師言其在師中而

已若是西乞白乙則為將帥不得云與也或說必妄
記異聞耳王若虛辨惑曰秦穆公伐鄭之役考之左
傳其諫而止之哭而送其子者獨蹇叔而已故晉原
軫曰秦違蹇叔而以貪勤民穆公曰孤違蹇叔以辱
二三子何嘗有百里奚預其間哉而司馬遷記此以
為二老同辭不知其何據也左氏云公召孟明視西
乞術白乙丙使出師又云蹇叔之子與師蹇叔謂孟
子曰孟子吾見師之出而不見其入也哭送其子曰

吾收爾骨焉蓋孟明輩自為將師而蹇叔之子則士卒之屬也此亦不相涉而遷以孟明為百里奚子西乞白乙為蹇叔子又何邪或曰孔疏引世族譜云或謂西乞術白乙丙為蹇叔子安知子長別無所據而必以左氏為質乎曰此或有之然是役也主其謀者孟明也再敗不沮卒以得逞使果為百里奚子何奚能苦諫其君而無一言以罪其子也以書觀之穆公自殺敗歸即作秦誓以自悔而遷以為取王官封殺

尸之後不亦異乎又云君子聞之皆為垂涕曰嗟乎秦穆之與人周也按左氏曰君子是以知秦穆之為君也舉人之周也與人之也至于孟明子桑皆有贊美之辭凡左氏所謂君子者蓋假之為褒貶之主而非指乎當時之士也安有所謂聞之垂涕者哉於是繆公退而問內史廖○韓詩外傳作內史王繆以女樂二八遺戎王○說苑作三九

繆公以客禮禮之問伐戎之形正義韓國云秦穆公都

地方三百里。○國字是子字之誤

乃使魏犇餘詳反。○左傳及晉世家皆作壽餘

共公立五年卒。○春秋宣四年秦伯稻卒則共公立四年非五年矣考春秋自明

十八年晉悼公彊數會諸侯率以伐秦敗秦軍秦軍走
晉兵追之遂渡涇至棧林而還。○是役也襄十四年
左傳諸侯之師濟涇而次秦人毒涇上流師人多死
晉之諸帥不和謂之遷延之役此云敗秦軍秦軍走

年表亦然與左傳相反

二十七年景公如晉與平公盟已而背之。三傳皆無此盟

十一年楚平王來求秦女為太子建妻。楚世家及年表在秦哀之十年

惠公立十年卒。春秋經哀三年冬十月癸卯秦伯卒。總計在位祇得九年。此與年表及始皇本紀皆作十年

十二年齊田常弑簡公。事在秦悼之十年。今此作十二年與春秋及年表不合。

智開與邑人來奔正義開智伯子。

臣照

按趙襄子曰

智伯死無後。又史載唯輔果在正義以開為智伯子。無據也。蓋智伯之族人。

十三年城籍姑。靈公卒。六國年表及始皇本紀靈公在位十年卒。

合七十七歲而霸王出。此與周本紀及封禪書不同。

與晉戰於石門。○趙世家作石阿

與魏晉戰少梁虜其將公孫痤。○魏世家同六國年表作虜其太子趙世家作太子痤商君傳作公孫痤

孝公元年河山以東疆國六與齊威楚宣魏惠燕悼韓哀趙成侯並淮泗之間。○據年表孝公元年燕為文公韓為懿侯

齊魏為王。○齊威二十六年自稱為王以令天下于秦為孝公九年此因魏連言之耳

虜其將龍賈斬首八萬。○魏世家作四萬五千

十一年縣義渠。

臣世駿

按此時義渠不得為縣犀首

傳云其後五國伐秦陰以文繡千純婦人百人遺義渠君義渠君起兵襲秦大敗秦李伯之下若義渠已為縣秦必更置令長何至十年之後反為所敗年表云義渠君為臣似可據

魏君為王韓亦為王正義魏襄王韓宣惠王也。

臣世

駿按惠文君四年齊魏為王索隱曰齊威王魏惠王

魏世家云惠王卒子襄王立襄王元年與諸侯會徐州相王也追尊父惠王為王與此互異豈惠王始嘗稱王後又降號如稱帝歸帝之說耶否則秦紀但應有十三年之書不應有四年之書矣魏世家於惠王時亦不著稱王事

韓趙魏燕齊帥匈奴共攻秦

○臣世駿

按戰國策補注

曰按秦紀書韓趙魏燕齊帥匈奴伐秦年表韓魏趙楚燕五國伐秦不勝楚世家書蘇秦約從六國共攻

秦楚懷王為從長至函谷關秦擊之六國皆引歸齊
獨後互有不同通鑑據年表大事記據楚世家按楚
世家特詳者以從長故當以為正年表諸國皆書不
勝齊獨後而不敗故畧不書與紀不書楚者豈以世
家文已明與修魚之戰虜韓申差年表在次年而紀
於此連書之則紀誠有誤也高誘注五國作齊宋韓
魏趙尤誤

十年韓太子蒼來質○韓世家在宣惠十九年據年表

是年為秦惠後十一年

伐取義渠二十五城。六國年表在十一年

公子通封於蜀。六國年表在十二年作公子繇通

燕君讓其臣子之。六國年表此事在後九年

虜趙將莊。趙世家及擣里子傳作虜趙將軍莊豹

涇陽君質於齊。田完世家及年表俱在秦昭之七年

此入六年

八年使將軍芊戎攻楚取新市齊使章子魏使公孫喜

韓使暴鳶共攻楚方城取唐昧。○楚世家二十八年
秦乃與齊韓魏共攻楚殺楚將唐昧取我重兵而去
年表及各世家俱同是年于秦昭為六年

趙破中山其君亡竟死齊。○趙世家及年表攻中山在
秦昭六年滅中山在秦昭十二年田完世家亦同此
叙入八年內

九年孟嘗君薛文來相。○年表及田完世家薛文相秦
在秦昭八年

秦與攻楚取八城殺其將景缺。○楚世家懷王二十九年秦復攻楚大破楚軍楚軍死二萬殺我將軍景缺懷王恐乃使太子為質齊以求平三十年秦復伐楚取八城據年表為秦昭七八兩年事也各記不同十年楚懷王入朝秦秦留之。○楚世家年表皆在秦昭八年

十一年齊韓魏趙宋中山五國共攻秦至鹽氏而還。○以諸世家證年表為秦昭之九年

左更白起攻新城。白起傳昭王十三年起為左庶長將而擊韓之新城其明年乃為左更。

五大夫禮出亡奔魏。禮姓呂見穰侯傳彼云出奔齊冉免。六國年表及穰侯傳冉謝病免相在昭十五年此入十六年內。

封公子市宛公子惺鄧索隱惺號高陵君。穰侯傳昭王同母弟曰高陵君涇陽君索隱曰高陵名顯涇陽名惺兩注自相牴牾。

齊破宋宋王在魏死溫。田完世家齊湣三十八年伐宋宋王出亡死于溫。魏世家魏昭十年齊滅宋宋王死我溫年表亦同是年在秦為昭之二十一年此入于十九年內。

涇陽君封宛。十六年已封公子市宛矣。此復封涇陽君疑有一誤。

蒙武伐齊河東為九縣。徐孚遠曰古史河東上有取字。

魏入南陽以和正義括地志懷獲嘉縣即古之南陽。

懷字下宜有州字

四十一年夏攻魏取邢丘懷。魏世家安王九年秦拔我懷是年為秦昭之三十九年十一年拔我鄭丘即秦四十一年也此兩年事并入一年

四十三年武安君白起攻韓拔九城。白起傳昭王四
十三年白起攻韓涇城拔五城韓世家惠王九年秦
拔我涇城汾旁

取陽城負泰正義今河南府縣也。○府字誤以唐書地理志考之或應作告成二字

韓獻成臯鞏。○韓世家秦拔我成臯滎陽不曰獻年表亦同

始皇帝五十一年而崩。○臣世駿按始皇十三年而立立三十七年而崩當得四十九年

史記卷五考證